

四庫全書

史部

欽定四庫全書

資治通鑑卷一百七十

宋司馬光撰

胡三省音註

陳紀四

起彊國大淵獻盡重光單閼凡五年

臨海王

諱伯宗字奉業小字樂王文帝嫡長子也

光大元年春正月癸酉朔日有食之尚書左僕射袁

樞卒

辛子恤翻

乙亥大赦改元

改元光大

辛卯帝祀南郊

壬辰齊上皇還鄴

去年八月如晉陽今還

己亥周主耕籍田

籍又

尺翻

二月壬寅朔齊主加元服大赦初高祖為梁相

高祖殺王僧辨立梁敬帝遂相之因以受禪相息亮

下同

用劉師知為中書舍人

師知涉學工文練習儀體

儀體謂朝儀國體

歷世祖朝雖位宦

不遷而委任甚重

朝直遙翻下同

與揚州刺史安城王頊尚書

僕射到仲舉同受遺詔輔政師知仲舉恒居禁中參決

衆事

恒戶登翻

頊與左右三百人入居尚書省師知見頊地

望權勢為朝野所屬心思之

屬之欲翻

與尚書左丞王暹等

謀出頊於外

暹思廉翻

衆猶豫未敢先發東宮通事舍人殷

不佞素以名節自任

按蕭子顯齊志東宮職僚未有通事舍人五代志梁東宮官有通事

守舍人典法守舍人陳因之

又受委東宮

言在東宮為上所親委

乃馳詣相府

是時尚書省為相府

矯敕謂頃曰今四方無事王可還東府經理

州務

州務謂揚州事務

頃將出中記室毛喜

五代志梁制蕃王國及庶姓有持節

府有中錄事中記室

馳入見頃曰陳有天下日淺國禍繼臻

謂八年之

間國連有大喪

中外危懼太后深惟至計

惟思也

令王入省共康

庶績今日之言必非太后之意宗社之重願王三思

三息

暫翻又

須更聞奏無使奸人得肆其謀今出外即受制



於人譬如曹爽願作富家翁其可得邪

曹爽事見四十五卷魏邵陵厲

公嘉平元年

項遣喜與領軍將軍吳明徹籌之明徹曰嗣君

諒闇

闇音陰

萬機多闕殿下親實周召當輔安社稷願留

中勿疑項乃稱疾召劉師知留之與語使毛喜先入言

於太后太后曰今伯宗幼弱政事並委二郎

文帝居長項居次故

稱為二郎

此非我意喜又言於帝帝曰此自師知等所為朕

不知也喜出以報項項因囚師知自入見太后及帝

見賢

通翻

極陳師知之罪仍自草敕請畫

請畫可也

以師知付廷尉

其夜於獄中賜死以到仲舉為金紫光祿大夫王暹殷

不佞並付治

付治付有司治罪也或作付治付東治使徒作也以下文不害免官言之治字為是

暹息廉翻

不佞不害之弟也少有孝行

不佞少居父喪以至孝稱江陵之陷不佞

母死於亂兵不佞在吳道路隔絕久不得奔赴四年之中晝夜號泣居處飲食常為居喪之禮後其兄不齊迎母喪歸葬不佞居處之節如始聞問若此者又三年身自負土手植松柏每歲時伏臘必三日不食少詩照翻

行下孟翻

項雅重之故獨得不死免官而已王暹伏誅自是

國政盡歸於項

劉師知之事大類楊惛

右衛將軍會稽韓子高鎮

領軍府在建康諸將中士馬最盛

會工外翻將即亮翻

與仲舉通

謀事未發毛喜請簡士馬配子高并賜鐵炭使脩器甲

項驚曰子高謀反方欲收執何為更如是邪邪音耶喜曰

山陵始畢邊寇尚多而子高受委前朝名為杖順若收

之恐不即授首或能為人患宜推心安誘朝直還翻誘音酉使

不自疑伺間圖之一壯士之力耳項深然之間古莧翻考異曰

陳書文沈后傳云安成王既專沈太后憂悶計無所出乃密賂宦者蔣裕令誘建安人張安國使據郡反冀因

此以圖高宗安國事覺並為高宗所誅時后左右近侍頗知其事后恐連逮黨與並殺之按后欲圖高宗而令

安國據建安反理不相涉且后若寔有仲舉既廢歸私此謀高宗既立后豈得自全今刪去

第心不自安子郁尚世祖妹信義長公主

信義郡名五代志吳郡常

熟縣梁置信義郡長知兩翻

除南康內史未之官子高亦自危求出

為衡廣諸鎮郁每乘小輿蒙婦人衣與子高謀會前上

虞令陸昉及子高軍主告其謀反

昉分周翻

項在尚書省因

召文武在位議立皇太子平旦仲舉子高入省皆執之

到仲舉既廢歸私第非在位者蓋項召其會議因而執之

并郁送廷尉下詔於獄賜

死

考異曰陳書子高傳死在光大元年八月按華皎傳子高誅後皎始謀叛帝紀此年五月皎已謀反又

慈訓太后令先言劉師知子高誅後乃及余孝頃始興王伯茂傳師知等誅後伯茂乃進號中衛然則子高傳

誤也

餘黨一無所問 辛亥南豫州刺史余孝頃坐謀反

誅

癸丑以東揚州刺史始興王伯茂為中衛大將軍

開府儀同三司

梁置四中將軍軍衛撫護止施於內

伯茂帝之母弟也劉

師知韓子高之謀伯茂皆預之司徒頊恐扇動內外故

以為中衛專使之居禁中與帝遊處

處昌呂翻

三月甲午

以尚書右僕射沈欽為侍中左僕射

史言沈欽官兼兩省

夏四

月癸丑齊遣散騎常侍司馬幼之來聘

散悉亶翻騎奇寄翻

湘

州刺史華皎

華戶化翻

聞韓子高死內不自安

皎與劉師知韓子高皆為

文帝所親任二人  
既死故皎不自安繕甲聚徒撫循所部啓求廣州以卜

朝廷之意司徒項偽許之而詔書未出皎遣使潛引周

兵又自歸於梁以其子玄響為質

使疏吏翻質音致

五月癸巳

項以丹陽尹吳明徹為湘州刺史甲午齊以東平王

儼為尚書令司徒項遣吳明徹帥舟師三萬趣郢州

帥讀曰率下同趣七喻翻下同

丙申遣征南大將軍淳于量帥舟師五

萬繼之又遣冠武將軍楊文通從安成步道出茶陵

置梁

冠武將軍與折衝同班五代志廬陵郡安復縣舊置安成郡茶陵縣屬長沙郡吳分屬湘東郡隋并入衡山

郡湘潭縣九域志茶陵縣屬衡州在州東三百五十五里

巴山太守黃法慧從宜陽

出澧陵

宜陽即豫章郡宜春縣也晉孝武帝更名宜陽避太后諱也隋復曰宜春縣帶袁州後漢立醴

陵縣屬長沙郡九域志在郡東一百六十里自宜春至醴陵二百二十里字式又翻

共襲華皎并

與江州刺史章昭達郢州刺史程靈洗合謀進討六月

壬寅以司空徐度為車騎將軍摠督建康諸軍步道趣

湘州 辛亥周主尊其母叱奴氏為皇太后

按魏收官氏志拓跋

興於代北兼并他部以本部中別族為內姓其他諸部隨方分之北方有叱奴氏

已未齊封

皇弟仁機為西河王仁約為樂浪王

樂音洛下同浪音琅

仁儉為

潁川王仁雅為安樂王仁直為丹陽王

考異曰北齊書帝紀名統今從

列傳統謂仁直

仁謙為東海王

皆郡王也五代志安樂郡密雲縣舊置安樂郡

華皎

使者至長安梁王亦上書言狀且乞師

華戶化翻使疏吏翻上時掌翻

周人議出師應之司會崔猷曰前歲東征死傷過半

謂攻

齊洛陽也事見上卷文帝天嘉五年會古外翻

比雖循撫瘡痍未復今陳氏保

境息民共敦鄰好

比毗至翻好呼到翻

豈可利其土地納其叛臣

違盟約之信興無名之師乎晉公護不從閏六月戊寅

遣襄州摠管衛公直督柱國陸通大將軍田弘權景宣



元定等將兵助之

將即亮翻又音如字領也

辛巳齊左丞相咸陽

武王斛律金卒年八十長子光為大將軍

相息亮翻卒子恤翻長知

兩翻

次子羨及孫武都並開府儀同三司出鎮方岳

斛律羨鎮

幽州武都鎮梁究二州

其餘子孫封侯顯貴者甚衆門中一皇后

二太子妃

金子光長女孝昭納為太子妃次女武成納為太子妃後主受內禪立為皇后

三公

主

按後祖珽言光男尚公主益光子武都世雄恒伽皆尚主也

事齊貴寵三世無比

自肅宗以來禮敬尤重每朝見常聽乘步挽車至階

朝直

遙翻見賢遍翻步挽車不用牛馬令人步挽之

或以羊車迎之然金不以為喜

嘗謂光曰我雖不讀書聞古來外戚鮮有能保其族者

鮮息  
淺翻

女若有寵為諸貴所嫉無寵為天子所憎我家直

以勛勞致富貴何必藉女寵也

史言糾律  
金有識

壬午齊以

東平王儼錄尚書事以左僕射趙彥深為尚書令并省

尚書左僕射婁定遠為左僕射

自并省入為  
鄴省左僕射

中書監徐

之才為右僕射定遠昭之子也

昭妻后  
之弟

秋七月戊申

立皇子至澤為太子 八月齊以任城王湣為太師

任音

王湣音皆  
又戶皆翻

馮翊王潤為大司馬段韶為左丞相賀拔仁

為右丞相侯莫陳相為太宰婁叡為太傅斛律光為太

保韓祖念為大將軍趙郡王叡為太尉東平王儼為司

徒儼有寵於上皇及胡后皆兼京畿大都督領軍大將

軍領御史中丞魏朝故事中丞出與皇太子分路

分路而行

不引車避道

王公皆遙駐車去牛頓輓於地以待其過

去羌呂翻輓於草翻

其或遲違

不即駐車頓輓是遲遲為違法

則前驅以赤捧捧

之捧部項翻

自遷鄴以後此儀廢絕上皇欲尊寵儼命一導

舊制儼初從北宮出將上中丞

將上時掌翻今人謂領職視事為禮上

凡

京畿步騎領軍官屬中丞威儀司徒鹵簿莫不畢從

奇騎

寄翻從才用翻

上皇與胡后張幕於華林園東門外而觀之遣

中使驟馬趣仗

趣儼前導儀仗也使疏吏翻趣七喻翻

不得入自言奉敕

赤捧卒應聲碎其鞍馬驚人墜上皇大笑以為善更敕

駐車勞問良久

勞問儼也勞力到翻

觀者傾鄴城儼恒在宮中坐

含光殿視事

恒戶登翻下同

諸父皆拜之上皇或時如并州

晉陽

宮在并州

儼恒居守

恒戶登翻守式又翻

每送行或半路或至晉陽乃

還

還從宣翻又音如字

器玩服飾皆與齊主同所須悉官給嘗於

南宮見新冰早李

齊主時居鄴之南宮儼從上皇胡后居北宮

還怒曰尊兄

已有我何意無

儼嘗謂齊主為尊兄

自是齊主或先得新奇屬官

及工人必獲罪儼性剛決嘗言於上皇曰尊兄懦何能

帥左右上皇每稱其才有廢立意胡后亦勸之既而中

止

儼與齊主既定君臣之分而常以兄弟相呼又有奪嫡之意史歷言之為儼怙寵致禍張本帥讀曰率

華皎遣使誘章昭達昭達執送建康又誘程靈洗靈

洗斬之

華戶化翻使疏吏翻誘音酉下並同

皎以武州居其心腹

五代志武陵郡

梁置武州

遣使誘都督陸子隆子隆不從遣兵攻之不克巴

州刺史戴僧朔等並隸於皎

文帝命皎都督湘巴等四州五代志巴陵郡梁置巴

州長沙太守曹慶等本隸皎下遂為之用

湘州與長沙郡同治所以

州統郡故曰本隸皎下守手又翻

司徒頊恐上流守宰皆附之乃曲赦

湘巴二州九月乙巳悉誅皎家屬梁以皎為司空遣其

柱國王操將兵二萬助之周權景宣將水軍元定將陸

軍衛公直摠之與皎俱下

將即亮翻又音如字領也

淳于量軍夏口

直軍魯山使元定以步騎數千圍郢州

騎奇寄翻異曰陳帝紀云

步騎二萬益夸誕之辭今從周帝紀

皎軍於白螺

水經江水過長沙下雋縣北湘水從南來注之

江水又東過彭城口又東過如山北又東過白螺山南螺盧戈翻雋辭充翻

與吳明徹等相

持徐度楊文通由嶺路襲湘州

嶺路即前所出安成宜陽步道也

盡獲

其所留軍士家屬皎自巴陵與周梁水軍順流乘風而

下軍勢甚盛戰於沌口

沌柱充翻

量明徹募軍中小艦多賞

金銀令先出當西軍大艦受其拍西軍諸艦發拍皆盡

然後量等以大艦拍之西軍艦皆碎沒於中流

戰船置拍竿發

之以拍敵船艦戶黯翻

西軍又以艦載薪因風縱火俄而風轉自

焚西軍大敗皎與戴僧朔單舸走

舸古我翻

過巴陵不敢發

岸發忍當作登

逕奔江陵衛公直亦奔江陵元定孤軍進退

無路斫竹開徑且戰且引欲趣巴陵趣七喻翻巴陵已為徐

度等所據度等遣使偽與結盟許縱之還國定信之解

仗就度度執之盡俘其衆

考異曰陳書云獲萬餘人馬四十匹亦恐夸誕今不取

并擒梁大將軍李廣定憤恚而卒

恚於避翻卒子恤翻

皎黨曹慶

等四十餘人並伏誅唯以岳陽太守章昭裕昭達之弟

桂陽太守曹宣高祖舊臣衡陽內史汝陰任忠嘗有密

啓皆宥之吳明徹乘勝攻梁河東拔之

守式又翻五代志巴陵郡湘陰



縣梁置岳陽郡桂陽郡郴縣梁置桂陽郡長沙郡衡山  
縣舊置衡陽郡陳以衡陽為王國故置內史南郡松滋  
縣舊置河東郡任音士周衛公直歸罪於梁柱國殷亮梁主知非

其罪然不敢違遂誅之周與陳既交惡周沔州刺史裴

寬白襄州總管請益戍兵并遷城於羊蹄山以避水

五代

志沔陽郡甌山縣梁置梁安郡西魏改曰魏安郡置江  
州廢帝三年改曰沔州甌山有陽臺山在漢川之南三  
十五里土俗訛為羊蹄山總管兵未至程靈洗舟師奄至城下會大

雨水暴漲靈洗引大艦臨城發拍擊樓堞皆碎

堞徒  
協翻

矢

石晝夜攻之三十餘日陳人登城寬猶帥眾執短兵拒

戰

帥讀曰率

又二日乃擒之

丁巳齊上皇如晉陽山東水

饑

按李百藥書山東大水人饑

僵尸滿道

僵居良翻

冬十月甲申帝享

太廟

十一月戊戌朔日有食之

丙午齊大赦 癸

丑周許穆公宇文貴自突厥還卒於張掖

宇文貴與陳公純等如突

厥逆女突厥留之貴以疾先得還厥九勿翻還從宣翻又音如字卒子恤翻掖音亦

齊上皇還

鄴 十二月周晉公護母卒

卒子恤翻

詔起令視事

令力丁翻

齊秘書監祖珽與黃門侍郎劉逖友善珽欲求宰相乃

疏趙彥深元文遥和士開罪狀令逖奏之逖不敢通彥

深等聞之先詣上皇自陳上皇大怒執珽詰之

珽它鼎翻詰去

吉翻珽因陳士開文遥彦深等朋黨弄權賣官鬻獄事上

皇曰爾乃誹謗我珽曰臣不敢誹謗陛下取人女上皇

曰我以其饑饉收養之耳珽曰何不開倉振給乃買入

後宮乎上皇益怒以刀環築其口鞭杖亂下將撲殺之

撲溺角翻

珽呼曰陛下勿殺臣臣為陛下合金丹

呼火故翻為于偽翻

合音閣

遂得少寬

少詩詔翻

珽曰陛下有一范增不能用

漢高帝之

言

上皇又怒曰爾自比范增以我為項羽邪

邪音耶

珽曰

項羽布衣帥烏合之衆五年而成霸業

帥讀曰率

陛下藉父

兄之資纔得至此臣以為項羽未易可輕上皇愈怒令

以土塞其口

易以鼓翻塞悉則翻

珽且吐且言乃鞭二百配甲坊

尋徙光州

五代志東萊郡舊置光州

敕令牢掌別駕張奉福曰牢者

地牢也乃置地牢中桎梏不離身

離力智翻

夜以蕪菁子為

燭眼為所熏由是失明

本草曰蕪菁主明目今珽由是失明蓋其子餌之則明目以之

為燭則烟熏眼而失明衍義曰蕪菁今世俗謂之蔓菁夏則枯蔬圃復種之謂之鷄毛菜正在春時採擷之餘

收子為油審是則菜油也東南之人多以之照夜未嘗熏眼失明

齊七兵尚書畢義

雲

杜佑曰魏始置五兵尚書謂中兵外兵別兵都兵騎兵也晉分中外各為左右雖與舊為七曹唯有五兵

尚書無七兵尚書之名至後魏始有七兵尚書今諸家著述或謂晉太康中置七兵尚書誤矣為治酷

忍非人理所及

治直吏翻

於家尤甚夜為盜所殺遺其刀驗

之其子善昭所佩刀也有司執善昭誅之

史書此以垂戒然以情觀

之善昭果弑其父必不遺刀以待驗蓋盜為此計以殺其子

二年春正月己亥安成王頊進位太傅領司徒加殊禮

辛丑周主祀南郊

癸亥齊主使兼散騎常侍鄭大

護來聘

湘東忠肅公徐度卒

卒子恤翻

二月丁卯周主

如武功 爰厥木杆可汗貳於周

厥九勿翻杆公旦翻可從刊入聲汗音寒

更許齊人以昏留陳公純等數年不返

純等逆女見上卷文帝天嘉六

年

會大雷風壞其穹廬

壞音怪

旬日不止木杆懼以為天

譴即備禮送其女於周純等奉之以歸三月癸卯至長

安周主行親迎之禮

迎魚敬翻古者天子娶於諸侯使同姓諸侯為之主桓八年祭公來

遂逆王后於紀杜預注云祭公來受命於魯是也周主行親迎與爰厥為敵國之禮

甲辰周大赦

乙巳齊以東平王儼為大將軍南陽王綽為司徒開

府儀同三司徐顯秀為司空廣寧王孝珩為尚書令

珩音

行

戊午周燕文公于謹卒

燕因肩翻  
卒子恤翻

謹勲高位重而

事上益恭每朝參所從不過二三騎朝廷有大事多與

謹謀之

朝直還翻  
騎奇寄翻

謹盡忠補益於功臣中特被親信禮

遇隆重始終無間

被皮義翻  
間古莧翻

教訓諸子務存靜退而子

孫蕃衍

蕃音煩

率皆顯達

吳明徹乘勝進攻江陵

乘沌口之

勝也

引水灌之梁主出頓紀南以避之

劉昭曰江陵縣北  
十餘里有紀南城

周摠管田弘從梁主副摠管高琳與梁僕射王操守江

陵三城晝夜拒戰十旬梁將馬武吉徹擊明徹敗之

將則

亮翻敗  
補遺翻

明徹退保公安梁主乃得還 夏四月辛巳周

以達奚武為太傅尉遲迴為太保齊公憲為大司馬

齊上皇如晉陽 齊尚書左僕射徐之才善醫上皇有

疾之才療之既愈中書監和士開欲得次遷乃出之才

為兗州刺史

為齊主疾作追之才不及張本  
五代志魯郡舊兗州治瑕丘

五月癸卯

以尚書右僕射胡長仁為左僕射士開為右僕射長仁

太上皇后之兄也 庚戌周主享太廟庚申如醴泉宮

醴泉宮即漢甘泉宮之舊地在漢馮翊池陽  
縣西後魏於此置寧夷縣隋改曰醴泉縣

壬戌齊



上皇還鄴

還從宣翻  
又音如字

秋七月壬寅周隨桓公揚忠卒

卒子  
恤翻

子堅襲爵堅為開府儀同三司小宮伯

周禮宮伯  
屬天官中

士二人下士二人鄭玄注云伯長也掌王宮宿衛之官  
及其政令行其秩叙作其徒役之事後周置左右宮伯  
掌侍衛之禁各更直  
於內小宮伯貳之 晉公護欲引以為腹心堅以白忠

忠曰兩姑之間難為婦汝其勿往堅乃辭之

史以楊忠  
有識因書

其卒而書之楊  
堅始見于此

丙午帝享太廟 戊午周主還長安

壬戌封皇弟伯智為永陽王伯謀為桂陽王 八月齊

請和於周周遣軍司馬陸程聘於齊九月丙申齊使侍

中斛斯文略報之 冬十月癸亥周主享太廟 庚午

帝享太廟 辛巳齊以廣寧王孝珩錄尚書事左僕射

胡長仁為尚書令右僕射和士開為左僕射中書監唐

邕為右僕射 十一月壬辰朔日有食之 齊遣蕪散

騎常侍李諧來聘

散悉亶翻  
騎奇寄翻

甲辰周主如岐陽

五代志太

原郡雍縣  
有岐陽宮

周遣開府儀同三司崔彥等聘於齊 始

興王伯茂以安成王頊專政意甚不平屢肆惡言

項吁玉翻

甲寅以太皇太后令誣帝云與劉師知華皎等通謀

言以

者明太皇太后令項  
為之也華戶化翻

且曰文皇知子之鑒事等帝堯傳

弟之懷又符太伯今可還申曩志崇立賢君遂廢帝為

臨海王以安成王入纂又下令黜伯茂為溫麻侯

溫麻縣侯

也沈約曰晉武帝以溫麻船屯立  
縣屬晉安郡晉安隋改為建安

寘諸別館安成王使

盜邀之於道殺之車中

齊上皇疾作驛追徐之才未

至辛未疾亟以後事屬和士開

屬之欲翻

握其手曰勿負我

也遂殂於士開之手

殂作乎翻  
年三十二

明日之才至復遣還州

還兖州也  
復扶又翻

士開秘喪三日不發黃門侍郎馮子琮問其

故士開曰神武文襄之喪皆秘不發

神武卒見一百六十卷梁武帝太清

元年文襄卒見一百六十二卷太清三年

今至尊年少

少詩

恐王公有貳心

者意欲盡追集於涼風堂然後與公議之士開素忌太

尉錄尚書事趙郡王劼及領軍婁定遠子琮恐其矯遺

詔出劼於外奪定遠禁兵乃說之曰

說式

大行先已傳

位於今上羣臣富貴者皆至尊父子之恩但令在內貴

臣一無改易王公必無異志

丁令力

世異事殊豈得與霸

朝相比

高歡高澄未即篡魏握魏之政北齊君臣皆謂之霸朝朝直遥翻下同

且公不出

宮門已數日升遐之事

鄭玄曰升上也遐已也上已者若仙去云耳

行路皆

傳久而不舉

謂不舉哀成服也

恐有他變士開乃發喪丙子大

赦戊寅尊太上皇后為皇太后侍中尚書左僕射元文

遙以馮子琮胡太后之妹夫恐其贊太后干預朝政

直朝

翻

與趙郡王叡和士開謀出子琮為鄭州刺史世祖驕

奢淫佚役繁賦重吏民苦之

史言亡齊者武成

甲申詔所在百

工細作悉罷之鄴下晉陽中山宮人官口之老病者悉

簡放

齊有鄴宮晉陽宮中山宮官口罪人家口沒官為奴婢者

諸家緣坐在流所者

聽還

緣坐謂罪非正犯緣親戚而坐罪者

周梁州恒稜獠叛

據趙文表傳恒稜地

名所在險固方數百里羣獠居之文表既平獠遂置為蓬州恒戶登翻獠魯皓翻下同

摠管長史

南鄭趙文表討之

趙文表為梁州摠管府長史長知兩翻

諸將欲四面進

攻

將即亮翻

文表曰四面攻之獠無生路必盡死以拒我未

易可克今吾示以威恩為惡者誅之從善者撫之善惡

既分破之易矣

易以鼓翻

遂以此意遍令軍中時有從軍熟

獠多與恒稜親識即以實報之

境上內附者謂之熟獠

恒稜猶豫

未決文表軍已至其境獠中先有二路一平一險有獠

帥數人來見

帥所類翻

請為鄉導

鄉讀曰嚮

文表曰此路寬平不

須為導卿但先行慰諭子弟使來降也

降戶江翻下同

乃遣之

文表謂諸將曰獠帥謂吾從寬路而進必設伏以邀我

當更出其不意乃引兵自險路入乘高而望果有伏兵

獠既失計爭帥衆來降

降戶江翻

文表皆慰撫之仍徵其租

稅無敢違者周人以文表為蓬州長史

蓬州本漢宕渠之地李勢時為

獠所據蕭齊立歸化郡梁置安固縣及伏虞郡後周置蓬州因蓬山而以為名也

高宗宣皇帝之上

諱頊字紹世小字師利始興王道譚第二子也

大建元年春正月辛卯朔周主以齊世祖之喪罷朝會

朝直  
還翻

遣司會李綸弔賻

賻音附公羊傳曰貨  
財曰賻會古外翻

且會葬

甲午安成王即皇帝位改元大赦復太皇太后為皇太

后皇太后為文皇后立妃柳氏為皇后世子叔寶為太

子封皇子叔陵為始興王奉昭烈王祀

文帝以子伯茂  
奉始興昭烈王

祀帝既殺伯茂  
以叔陵奉祀

乙未上謁太廟丁酉以尚書僕射沈欽

為左僕射度支尚書王勸為右僕射勸份之孫也

度徒  
洛翻

勸音邁份府中翻份  
與之弟肅之叔父也

辛丑上祀南郊

壬寅封皇子



叔英為豫章王叔堅為長沙王 戊午上享太廟 齊

博陵文簡王濟世祖之母弟也為定州刺史語人曰次

叙當至我矣言以兄弟之次亦當為天子也語牛倨翻 齊主聞之陰使人就

州殺之葬贈如禮 二月乙亥上耕籍田籍秦昔翻 甲申

齊葬武成帝於永平陵廟號世祖 乙丑齊徙東平王

儼為琅邪王邪音耶 齊遣侍中叱列長叉聘於周姓纂叱列

複姓出於拓跋氏西部 齊以司空徐顯秀為太尉并省尚書令

婁定遠為司空初侍中尚書右僕射和士開為世祖所

親狎出入臥內無復期度

復扶又翻

遂得幸於胡后及世祖

殂齊主以士開受顧託深委任之威權益盛與婁定遠

及錄尚書事趙彥深侍中尚書左僕射元文遙開府儀

同三司唐邕領軍綦連猛高阿那肱

李延壽曰綦連其先姬姓六國末避

亂出塞保祈連山因以山為姓北人語訛故曰綦連魏收官氏志綦連氏出於西方諸部

度支尚書

胡長粲俱用事時號八貴

樂音洛

太尉趙郡王叡大司馬

馮翊王潤安德王延宗與婁定遠元文遙皆言於齊主

請出土開為外任會胡太后觴朝貴於前殿

朝直遇翻

叡面

陳士開臯失云士開先帝弄臣城狐社鼠受納貨賂穢

亂宮掖

掖音亦

臣等義無杜口冒死陳之太后曰先帝在

時王等何不言今日欲欺孤寡邪

邪音耶

且飲酒勿多言

獻等辭色愈厲儀同三司安吐根曰臣本商胡

安吐根本安息

胡人天平初柔然主使至晉陽吐根密格柔然情狀高歡因為之備柔然入掠無獲而返其後歡與柔然和親

結成婚媾皆吐根為行人既而歸歡由是見親待

得在諸貴行末

行戶剛翻

既受厚

恩豈敢惜死不出士開朝野不定太后曰異日論之王

等且敬獻等或投冠於地或拂衣而起明日獻等復詣

雲龍門

復扶又翻

令文遙入奏之三返太后不聽左丞相段

韶使胡長粲傳太后言曰梓宮在殯事太忽忽欲王等

更思之獻等遂皆拜謝長粲復命太后曰成妹母子家

者兄之力也

長粲胡太后之兄故云然

厚賜獻等罷之太后及齊主

召問士開對曰先帝於羣臣之中待臣最厚陛下諒闇

始爾

闇音陰

大臣皆有覬覦

覦音冀覦音俞

今若出臣正是翦陛

下羽翼宜謂獻云文遙與臣俱受先帝任用豈可一去

一留並可用為州且出納如舊

尚書出納帝命令且如舊領職

待過山

陵然後遣之。獻等謂臣真出心必喜之。

喜許記翻

帝及太后

然之。告獻等如其言。乃以士開為兖州刺史。文選為西

兖州刺史。

西兖州時治滑臺

葬畢。獻等促士開就路。太后欲留

士開過百日。

古者葬日虞既三虞用剛日卒哭後人百日而卒哭至今猶然

獻不許。數

日之內。太后數以為言。

后數所角翻

有中人知太后密旨者

謂獻曰。太后意既如此。殿下何宜苦違。獻曰。吾受委不

輕。今嗣主幼。冲豈可使邪。臣在側不守之以死。何面戴

天。遂更見太后苦言之。太后令酌酒賜獻。獻正色曰。今

論國家大事非為卮酒

為于偽翻

言訖遽出土開載美女珠

簾詣婁定遠謝曰諸貴欲殺士開蒙王力

武成帝封婁定遠臨淮郡

王故稱之

特全其命用為方伯今當奉別謹上二女子一珠

簾

上時掌翻

定遠喜謂士開曰欲還入不

不讀曰否

士開曰在內

久不自安今得出實遂本志不願更入但乞王保護長

為大州刺史足矣定遠信之送至門士開曰今當遠出

願得一辭覲二宮定遠許之士開由是得見太后及帝

進說曰

見賢遍翻說式尚翻

先帝一旦登遐臣愧不能自死觀朝

貴意勢欲以陛下為乾明

乾明齊濟南王年號也事見一百六十八卷文帝天嘉元

年

臣出之後必有大變臣何面目見先帝於地下因慟

哭帝太后皆泣問計安出士開曰臣已得入復何所慮

正須數行詔書耳

復扶又翻下將復后復復以同行戶剛翻

於是詔出定遠

為青州刺史責趙郡王叡以不臣之罪旦日叡將復入

諫妻子咸止之叡曰社稷事重吾寧死事先皇不忍見

朝廷顛沛至殿門又有人謂曰殿下勿入恐有變叡曰

吾上不負天死亦無恨入見太后

見賢通翻

太后復以為言

叡執之彌固出至永巷遇兵執送華林園雀離佛院

釋氏

西域記龜茲國北四十里山上有寺名曰雀離大清淨故倣以建佛院

令劉桃枝拉殺之

拉盧合翻

考異曰北齊帝紀天統三年六月以并省尚書左僕射婁定遠為尚書左僕射五年二月殺趙郡

王叡三月以并省尚書令婁定遠為司空蓋定遠既為

僕射復為并省尚書令也按和士開傳先出定遠然後

殺叡叡死必在定遠作司空後帝紀誤也但不知果在何時耳又士開傳云出為青州定遠傳云尋除瀛州蓋

先出為青州後

叡久典朝政

文宣帝時濟南以太子監國立大都督府與尚書省

分理眾事以叡攝大都督府長史至武成之世拜尚書令又進攝錄尚書事又進太尉朝直遥翻下同

清

正自守朝野冤惜之復以士開為侍中尚書左僕射定



遠歸士開所遺

遺于季翻

加以餘珍賂之

三月齊主如晉

陽夏四月甲子以并州尚書省為大基聖寺晉祠為大

崇皇寺

魏志太原郡晉陽縣有晉祠

乙丑齊主還鄴

齊主年少多

嬖寵

少詩召翻

武衛將軍高阿那肱素以諂佞為世祖及和

士開所厚世祖多令在東宮侍齊主由是有寵累遷并

省尚書令封淮陰王世祖簡都督二十人使侍衛東宮

齊左右衛府領左右府其御仗屬官各有正副都督

昌黎韓長鸞預焉齊主獨親

愛長鸞長鸞名鳳以字行累遷侍中領軍摠知內省機

密宮婢陸令萱者其夫漢陽駱超坐謀叛誅令萱配掖

庭子提婆亦沒為奴齊主之在襁褓令萱保養之令萱

巧黠善取媚

黠戶入翻

有寵於胡太后宮掖之中獨擅威福

封為郡君和士開高阿那肱皆為之養子齊主以令萱

為女侍中

後魏孝文既定內官左右昭儀三夫人九嬪世婦御女之外又置內職典內司視尚書令

僕作司大監女侍中三官視二品監

令萱引提婆入侍齊主朝夕戲狎累

遷至開府儀同三司武衛大將軍宮人穆舍利者斛律

后之從婢也

從于用翻

有寵於齊主令萱欲附之乃為之養

母薦為弘德夫人

河清新令弘德崇德正德三夫人位比三公

因令提婆冒

姓穆氏然和士開用事最久諸幸臣皆依附之以固其

寵齊主思祖珽

齊主受內禪祖珽啓其謀故思之

就流囚中除海州刺

史

祖珽去年徙光州五代志東海郡梁置南北二青州東魏改為海州

珽乃遺陸媼弟儀

同三司悉達書曰趙彥深心腹深沈欲行伊霍事

遺于季翻

媼烏老翻陸媼即謂令萱沈持林翻

儀同姊弟豈得平安何不早用智士

邪和士開亦以珽有膽略欲引為謀主乃棄舊怨虛心

待之與陸媼言於帝曰襄宣昭三帝之子皆不得立

謂文

襄文宣孝

昭之子也

今至尊獨在帝位者祖孝徵之力也

祖珽字孝徵事

見上卷文帝天嘉元年

人有功不可不報孝徵心行雖薄

行下孟翻

略出人緩急可使且其人已盲必無反心請呼取問以

籌策齊主從之召入為秘書監加開府儀同三司士開

譖尚書令隴東主胡長仁驕恣出為齊州刺史長仁怨

憤謀遣刺客殺士開事覺士開與珽謀之珽引漢文帝

誅薄昭故事

薄昭事見十四卷漢文帝十年胡長仁帝舅也故引此事以誅之

遂遣使

就州賜死

使疏吏翻

五月庚戌周主如醴泉宮

丁巳以

吏部尚書徐陵為左僕射 秋七月辛卯皇太子納妃

沈氏

考異曰陳書南史沈后傳皆云太建三年拜太子妃誤也今從帝紀

吏部尚書君

理之女也 辛亥周主還長安 八月庚辰盜殺周孔

城防主以其地入齊

魏收志漢晉河南新城縣後魏置新城郡治孔城其地在隋河南郡

伊關縣界

九月辛卯周遣齊公憲與柱國李穆將兵趣宜陽

杜佑曰宜陽郡今福昌縣

築崇德等五城

趣七喻翻

歐陽紇在廣州十

餘年

武帝永定二年紇與父顧定廣州至是凡十二年紇下沒翻

威惠著於百越自

華皎之叛帝心疑之

華戶化翻

徵為左衛將軍紇恐懼其下

多勸之反遂舉兵攻衡州刺史錢道戢

此始興之衡州五代志南海郡

始興縣梁置安遠郡及東衡州

帝遣中書侍郎徐儉持節諭旨紇初見

儉盛仗衛言辭不恭儉曰呂嘉之事誠當已遠

呂嘉事見二十

卷漢武帝元

鼎五年六年

將軍獨不見周迪陳寶應乎

周迪陳寶應皆以叛換敗

死事並見文帝紀

轉禍為福未為晚也紇默然不應置儉於孤

園寺累旬不得還紇嘗出見儉儉謂之曰將軍業已舉

事儉須還報天子儉之性命雖在將軍將軍成敗不在

於儉幸不見留紇乃遣儉還儉陵之子也

徐陵時貴顯於陳朝冬

十月辛未詔車騎將軍章昭達討紇 壬午上享太廟

十一月辛亥周鄆文公長孫儉卒

鄆茲陵翻長知  
兩翻卒子恤翻

辛丑齊以斛律光為太傅馮翊王潤為太保琅邪王儼

為大司馬十二月庚午以蘭陵王長恭為尚書令庚辰

以中書監魏收為左僕射 周齊公憲等圍齊宜陽絕

其糧道 自華皎之亂與周人絕至是周遣御正大夫

杜杲來聘請復脩舊好

杜杲來聘于陳故使來修  
舊好復扶又翻好呼到翻

上許

之遣使如周

使疏  
吏翻

二年春正月乙酉朔齊改元武平 齊東安王婁叡卒

東安郡王五代志琅邪郡沂水縣舊置東安郡也

丙午上享太廟 戊申齊

使兼散騎常侍裴謫之來聘

散悉亶翻騎奇寄翻

齊

太傅斛律光將步騎三萬救宜陽屢破周軍築統關豐

化二城而還

還從宣翻又如字

周軍追之光縱擊又破之獲其

開府儀同三司宇文英梁景興

周軍雖屢敗而攻宜陽不輟

二月己

巳齊以斛律光為右丞相并州刺史又以任城王湝為

太師賀拔仁錄尚書事

任音壬湝音皆又古皆翻

歐陽紇召陽春



太守馮僕至南海

五代志高涼郡陽春縣梁置陽春郡廣州治南海郡守式又翻

誘與

同反僕遣使告其母洗夫人夫人曰我為忠貞經今兩

世

僕又父融為兩世誘音酉使疏吏翻洗息典翻

不能惜汝負國遂發兵拒境

帥諸酋長迎章昭達

帥讀曰率酋慈秋翻長知兩翻

昭達倍道兼行至

始興紇聞昭達奄至恒擾不知所為出頓涯口

水經涯水出桂

陽縣盧聚東南過含涯縣南出涯浦關右合漆水謂之涯口涯去王翻

多聚沙石盛以竹

籠

盛時征翻

置於水柵之外用遏舟艦昭達居上流裝艦造

拍

艦戶黥翻下同

令軍人銜刀潛行水中以斫籠筏皆解

筏莫結翻

因縱大艦隨流突之紇衆大敗生禽紇送之癸未斬於

建康市紇之反也士人流寓在嶺南者皆惶駭前著作

佐郎蕭引獨恬然曰管幼安袁曜卿亦但安坐耳

管寧字幼

安依公孫度度安其賢魏文帝初卒還鄉里袁漢字曜卿為呂布所拘而不為布所脅布敗歸魏武

君子

直已以行義何憂懼乎紇平上徵為金部侍郎

唐大興曰漢置

尚書郎四人其一人主財帛委輸蓋金部郎曹之任也歷魏晉宋齊後魏北齊並有金部郎中梁陳隋為侍郎

煬帝但曰郎引允之弟也

蕭允見一百六十二卷梁武帝太清三年史言蕭允兄弟處大難而

不馮僕以其母功封信都侯遷石龍太守

五代志石龍縣屬高涼郡

蓋梁陳置郡也今為化州

遣使持節冊命洗氏為石龍太夫人賜繡

幟油絡駟馬安車一乘

幟許偃翻安車加綉幟油絡也乘繩證翻

給鼓吹一

部并麾幢旌節

吹尺瑞翻幢傳江翻

其鹵簿一如刺史之儀 三

月丙申皇太后章氏殂 戊戌齊安定武王賀拔仁卒

丁未大赦 夏四月甲寅周以柱國宇文盛為大宗

伯 周主如醴泉宮 辛酉齊以開府儀同三司徐之

才為尚書左僕射 戊寅葬武宣皇后於萬安陵

章太后謚

閏月戊申上謁太廟 五月壬午齊遣使來弔

武宣 使 疏

故翻

六月乙酉齊以廣寧王孝珩為司空

珩音行

甲辰

齊穆夫人生子恒

恒戶登翻

齊主時未有男為之大赦

為于偽翻

下請為為之同

陸令萱欲以恒為太子恐斛律后恨怒乃白齊

主使斛律后母養之

己丑齊以開府儀同三司唐邕

為尚書右僕射

秋七月齊立肅宗子彥基為城陽王

彥忠為梁郡王甲寅以尚書令蘭陵王長恭為錄尚書

事中領軍和士開為尚書令賜爵淮陽王士開威權日

盛朝士不知廉恥者或為之假子與富商大賈同在伯

仲之列

朝直遙翻  
賈音古

嘗有一人士參士開疾

參者候  
問其疾

值鑒

云王傷寒極重應服黃龍湯

陶弘景曰今近城寺別塞  
空罌口內糞倉中久年得

汁甚黑而苦名為黃龍  
湯治溫病垂死者皆差

士開有難色人士曰此物甚易

服

易以  
鼓翻

王不須疑請為王先嘗之一舉而盡士開感其

意為之強服

強其  
兩翻

遂得愈

乙卯周主還長安

癸酉

齊以華山王凝為太傅

華山郡王五代志京兆郡鄭  
縣後魏置華山郡華戶化翻

司

空章昭達攻梁

章昭達破歐陽紇  
而還遂引兵攻梁

梁主與周摠管陸騰

拒之周人於峽口南岸築安蜀城

峽口西陵峽口也杜  
佑曰安蜀城在夷陵

郡界橫引大索於江上編葦為橋以度軍糧昭達命軍士

為長戟施於樓船上仰割其索索斷糧絕

索昔洛翻

因縱兵

攻安蜀城下之梁主告急於周襄州摠管衛公直直遣

大將軍李遷哲將兵救之遷哲以其所部守江陵外城

自帥騎兵出南門使步出北門

將即亮翻帥讀曰率步下有兵字文意較明

首尾邀擊陳兵陳兵多死夜陳兵竊於城西以梯登城

登者已數百人遷哲與陸騰力戰拒之乃退昭達又決

龍川寧朔隄

水經注紀南城西南有赤坂岡岡下有潰水東北流入城又東北出城西南注於龍

陵陂在靈溪東江堤內水至淵深有龍見於  
具中故曰龍陂寧朔周書陸騰傳作寧邦

引水灌江

陵騰出戰於西堤昭達兵不利乃引還

運從宣翻  
又如字

八

月辛卯齊主如晉陽

九月乙巳齊立皇子恒為太子

冬十月辛巳朔日有食之

齊以廣寧王孝珩為司

徒上洛王思宗為司空

上洛古  
郡名

復以梁永嘉王莊為開

府儀同三司梁王

復扶  
又翻

許以興復竟不果及齊亡莊憤

邑卒於鄴

史終言之  
卒子恤翻

乙酉上享太廟

己丑齊復威

宗謚曰文宣皇帝廟號顯祖

齊改文宣謚號見上卷文  
帝天嘉六年謚神至翻

丁酉周鄭桓公達奚武卒

謚法辟土服遠曰桓卒子恤翻

十二月

丁亥齊主還鄴

周大將軍鄭恪將兵平越舊置西寧

州

西寧州後改曰舊州舊音髓

周齊爭宜陽久而不決勲州刺史

韋孝寬謂其下曰

周置勲州於玉壁

宜陽一城之地不足損益

兩國爭之勞師彌年彼豈無智謀之士若棄嶠東

宜陽在三

嶠之東

來圖汾北我必失地今宜速於華谷及長秋築城

以杜其意

水經涑水出河內聞喜縣黍葭谷注云涑水所出俗謂之華谷又曰汾水過臨汾縣東又

屈從縣南西流又西過長修縣南又西與華水合水出於北山華谷此所謂長秋即漢長修縣故墟也俗語訛



以修為長秋耳

脫其先我

先音悉薦翻

圖之實難乃畫地形具陳其

狀晉公護謂使者曰韋公子孫雖多數不滿百汾北築

城遣誰守之事遂不行齊斛律光果出晉州道於汾北

築華谷龍門二城

五代志絳郡稷山縣有後魏龍門郡

光至汾東與孝寬

相見光曰宜陽一城久勞爭戰今已舍彼

舍讀曰捨

欲於汾

北取償幸勿怪也孝寬曰宜陽彼之要衝汾北我之所

棄我棄彼取其償安在君輔翼幼主位望隆重不撫循

百姓而極武窮兵苟貪尋常之地塗炭疲弊之民竊為

君不取也

偽翻 為于

光進圍定陽築南汾城以逼之

魏收志 後魏延

興四年置定陽縣及定陽郡五代志文城郡吉昌縣後魏置定陽縣及定陽郡文城郡東魏置南汾州後周改曰汾州吉昌縣後唐避李國昌諱又改為吉鄉縣九城志屬汾州宋白曰慈州吉鄉縣本漢北屈縣後魏孝文帝置定陽郡及定陽縣時會有河西定陽胡人渡河居此因以為名

周人釋宜陽之圍以

救汾北晉公護問計於齊公憲憲曰兄宜暫出同州以

為聲勢憲請以精兵居前隨機攻取護從之

汾扶 云翻

三年春正月乙丑以尚書右僕射徐陵為左僕射丁

巳齊使兼散騎常侍劉環雋來聘

散悉 竄翻 騎奇 寄翻

辛酉上

祀南郊辛未祀北郊

齊斛律光築十三城於西境

汾北

之地於鄴為西

馬上以鞭指畫而成拓地五百里而未嘗伐功

又與周韋孝寬戰於汾北破之齊公憲督諸將東拒齊

師

將即亮翻

二月辛巳上祀明堂丁酉耕籍田

籍秦昔翻

壬

寅齊以蘭陵王長恭為太尉趙彥深為司空和士開錄

尚書事徐之才為尚書令唐邕為左僕射吏部尚書馮

子琮為右僕射仍攝選

仍攝吏部選選須綱翻下典選

子琮素諂附士

開至是自以太后親屬且典選頗擅引用人不復啓稟

由是與士開有隙

為子琮勸琅邪王儼殺士開張本復扶又翻

三月丁丑

大赦

周齊公憲自龍門度河

此自夏陽度汾陰也考異曰北齊書段韶傳

云二月周師來寇周書帝紀云三月憲度河今從之

斛律光退保華谷憲攻拔其

新築五城齊太宰段韶蘭陵王長恭將兵禦周師攻柏

谷城拔之而還

此齊遣段韶等出伊洛以牽制汾北也將即亮翻下同

夏四月

戊寅朔日有食之

壬午齊以琅邪王儼為太保

邪音耶

壬辰齊遣使來聘

使疏吏翻

周陳公純取齊宜陽等九城

考異曰北齊斛律光傳云周柱國純干廣略圓宜陽今從周帝紀

齊斛律光將步騎五

萬赴之

騎奇寄翻

五月癸亥周使納言鄭誦來聘

唐六典後周天

官府置御伯中大夫二人天子出入則侍於左右武帝改御伯為納言蓋侍中之職也

周晉公

護使中外府參軍郭榮城於姚襄城南定陽城西

姚襄城者

襄為桓溫所敗奔平陽所築後人因以為名杜佑曰今汾州吉昌縣西則姚襄所築城西臨黃河控帶龍門之險春秋時晉之北屈也郭榮之下有築字文意乃明齊段韶引兵襲周師破之六

月韶圍定陽城

考異曰韶傳七月屠其外城周書北齊帝紀皆云六月陷汾州今從之周

汾州刺史楊敷固守不下

周汾州治定陽城隋改為吉昌縣汾州唐改為慈州韶

急攻之屠其外城時韶臥病謂蘭陵王長恭曰此城三

面重澗

重直龍翻

皆無走路唯慮東南一道耳賊必從此出

宜簡精兵專守之此必成禽長恭乃令壯士千餘人伏

於東南澗口城中糧盡齊公憲摠兵救之憚詔不敢進

數帥見兵突圍夜走

帥讀曰率見賢通翻

伏兵擊擒之盡俘其衆

考異曰周書齊王憲傳屢破齊師北齊書斛律光段韶傳屢破周師要之周失汾州齊師勝耳

乙巳

齊取周汾州及姚襄城唯郭榮所築城獨存數愔之族

子也

楊愔以死殉齊而數為周死於城郭各盡忠於其所事也愔於今翻

數子素少多才

藝

少詩沼翻

有大志不拘小節以其父守節陷齊未蒙贈謚

上表申理周主不許至於再三帝大怒命左右斬之素

大言曰臣事無道天子死其分也

分扶問翻

帝壯其言贈敷

大將軍謚曰忠壯

謚法武而不遂曰壯

以素為儀同三司漸見禮

遇帝命素為詔書下筆立成詞義兼美帝曰勉之勿憂

不富貴素曰但恐富貴來逼臣臣無心圖富貴也 齊

斛律光與周師戰於宜陽城下取周建安等四戍捕虜

千餘人而還軍未至鄴齊主敕使散兵光以軍士多有

功者未得慰勞乃密通表請遣使宣旨

宣慰勞之旨也勞力到翻使疏

吏翻下  
侍使同

軍仍且進齊朝發使遲留

朝直還  
翻下同

軍還將至紫

陌光乃駐營待使帝聞光軍已逼心甚惡之

惡高  
路翻

亟令

舍人召光入見然後宣勞散兵

史言齊主已有疑斛律  
光之心見賢通翻勞力

翻到

齊琅邪王儼以和士開穆提婆等專橫奢縱意甚

不平

橫戶  
孟翻

二人相謂曰琅邪王眼光奕奕數步射人向

者暫對不覺汗出吾輩見天子奏事尚不然由是忌之

乃出儼居北宮

北宮在鄴  
之北城

五日一朝不得無時見太后

見賢  
通翻

儼之除太保也餘官悉解猶帶中丞及京畿士開



等以北城有武庫欲移儼於外然後奪其兵權

京畿大都督撫

京畿兵

治書侍御史王子宜

治直之翻

與儼所親開府儀同三

司高舍洛中常侍劉辟彊說儼曰殿下被疏正由士開

閒搆

說式芮翻被皮義翻疏與疎同閒古覓翻

何可出北宮入民間也儼謂

侍中馮子琮曰士開罪重兒欲殺之何如

馮子琮胡太后之妹夫故

儼自稱曰兒

子琮心欲廢帝而立儼因勸成之儼令子宜表

彈士開罪請禁推

請收禁而推鞠之彈徒丹翻

子琮雜佗文書奏之

帝王不審省而可之

王字衍據北齊書琅邪王儼傳云後主不審省而可之通鑑就舊史

刪潤以成一家言本云帝不審省而可之書吏繕  
寫因舊史之文遂衍主字杭本作齊主省悉井翻  
儼誑

領軍庫狄伏連曰奉敕令領軍收士開

魏收官氏志次南諸姓有庫狄

氏誑居况翻

伏連以告子琮且請覆奏子琮曰琅邪受勅何

必更奏伏連信之發京畿軍士伏於神虎門外

神虎門即神武

門南北國四史成於唐臣之手避唐諱凡虎字悉改為武此獨存舊

并戒門者不聽士開

入秋七月庚午旦士開依常早參

依常日早入禁中朝參

伏連前

執士開手曰今有一大好事王子宜授以一函云有敕

令王向臺因遣軍士護送儼遣都督馮永洛就臺斬之

儼本意唯殺士開其黨因逼儼曰事既然不可中止儼

遂帥京畿軍士三千餘人屯於秋門

帥讀曰率

帝使劉桃枝

將禁兵八十人召儼

將即亮翻

桃枝遥拜儼命反縛將斬之

禁兵散走帝又使馮子琮召儼儼辭曰士開昔來實合

萬死謀廢至尊剃家家髮為尼

剃他計翻

臣為是矯詔誅之

尊兄若欲殺臣不敢逃罪若赦臣願遣姊姊來迎臣即

入見

齊諸王皆呼嫡母為家家乳母為姊姊婦為妹妹為于偽翻見賢遍翻

姊姊謂陸令

萱也儼欲誘出殺之

誘羊久翻

令萱執刀在帝後聞之戰栗

帝又使韓長鸞召儼儼將入劉辟彊牽衣諫曰若不斬

穆提婆母子殿下無由得入廣寧王孝珩安德王延宗

自西來

珩音行

曰何不入辟彊曰兵少

少詩召翻下謂少同

延宗顧

衆而言曰孝昭帝殺楊遵彥

殺楊愔事見百六十八卷文帝天嘉元年

止八

十人今有數千何謂少帝泣啓太后曰有緣復見家家

復扶又翻

無緣永別乃急召斛律光儼亦召之光聞儼殺士

開撫掌大笑曰龍子所為固自不似凡人

以儼帝子故謂之龍子

入見帝於永巷

見賢遍翻

帝帥宿衛者步騎四百授甲將出

戰

帥讀曰率

光曰小兒輩弄兵與交手即亂鄙諺云奴見大

家心死

大家謂主也臣妾呼天子為大家亦此義

至尊宜自至千秋門琅邪

必不敢動帝從之光步道

道讀曰導言步而前導也

使人走出曰大

家來儼徒駭散帝駐馬橋上遙呼之儼猶立不進光就

謂曰天子弟殺一夫何所苦執其手強引以前

強其兩翻請

於帝曰琅邪王年少腸肥腦滿輕為舉措稍長自不復

然

邪音耶少詩沼翻長謂年長音展兩翻

願寬其罪帝拔儼所帶刀鏢亂

築辦頭

辦頭示將斬之也

良久乃釋之收庫狄伏連高舍洛王

子宜劉辟彊都督翟顯貴

翟長伯翻又音狄

於後園支解暴之

都街帝欲盡殺儼府文武職吏光曰此皆勲貴子弟誅

之恐人心不安趙彥深亦曰春秋責帥

春秋左氏傳韓獻子謂中行桓

子曰子為元帥帥不用命誰之罪也帥所類翻

於是罪之各有差太后責問儼

儼曰馮子琮教兒太后怒遣使就內省以弓絃絞殺子

琮

使疏吏翻

使內參以庫車載尸歸其家

內參宦者也庫車載庫物者也

自

是太后常置儼於宮中每食必自嘗之

慮鴆毒也

八月已

亥齊主如晉陽

九月辛亥齊以任城王湝為太宰

任音

王潛音皆又戶皆翻

馮翊王潤為太師

己未齊平原忠武王段

韶卒韶有謀略得將士死力

卒子恤翻將即亮翻

出摠軍旅入參

幃幄功高望重而雅性溫慎得宰相體事後母孝閨門

雍肅齊勲貴之家無能及者

齊祖珽說陸令萱出趙

彥深為兗州刺史齊主以珽為侍中陸令萱說帝曰人

稱琅邪王聰明雄勇當今無敵觀其相表

邪音耶說式芮翻相息亮

翻

殆非人臣自專殺以來常懷恐懼宜早為之計幸臣

何洪珍等亦請殺之帝未決以食輦密迎珽問之

食輦載梁

肉以輸太官者也

珽稱周公誅管叔周公使管叔監殷管叔以殷叛周公誅之季友

酖慶父

左傳魯莊公有疾問後於叔牙對曰慶父材問於季友季友曰臣以死奉般乃使鍼季酖叔牙

而立般慶父使人弑般季友立閔公慶父又使人弑之季友以僖公適邾慶父奔莒季友乃入立僖公以賂求慶父於莒莒人歸之及密使公子奚斯請弗許哭而往慶父聞之曰奚斯之聲也乃縊慶父叔牙季友皆桓公之子兄弟也然而以酖死者叔牙也夫漢儒固有以經義斷獄者若祖珽者舞經義以成其獄者也不可不察

帝乃攜儼之晉陽使右衛大將軍趙元侃誘儼執之

誘音

酉

元侃曰臣昔事先帝見先帝愛王今寧就死不忍行

此帝出元侃為豫州刺史庚午帝啓太后曰明旦欲與



仁威早出獵

儼字仁威

夜四鼓帝召儼儼疑之陸令萱曰兄

呼兒何為不去儼出至永巷劉桃枝反接其手儼呼曰

乞見家家尊兄桃枝以袖塞其口

呼火故翻塞悉則翻

反袍蒙頭

負出至大明宮鼻血滿面拉殺之

拉盧合翻

時年十四裹之

以席埋於室內帝使啓太后太后臨哭十餘聲即擁入

殿遺腹四男皆幽死冬十月罷京畿府入領軍

以儼以京畿兵

弄兵故

乙未周遣右武伯谷會琨等聘於齊

五代志周置左

罷之

右武伯掌內外衛之禁令兼六率之士左右小武伯各二人貳之谷會虜複姓

齊胡太后出

入不節與沙門統曇獻通諸僧至有戲呼曇獻為太上

皇者齊主聞太后不謹而未之信後朝太后

朝直遇翻

見二

尼悅而召之乃男子也於是曇獻事亦發皆伏誅己亥

帝自晉陽奉太后還鄴至紫陌遇大風舍人魏僧伽習

風角

伽戌迦翻

奏言即時當有暴逆事帝詐云鄴中有變鸞

弓纏鞘馳入南城

鞘所交翻弓末也北齊書胡后傳作纏鞘鄴都有南北城

遣宦者

鄧長顥幽太后於北宮

幽母之事隱于心而未發而暴風已應於上天人之際可畏哉

顥魚容翻

仍敕內外諸親皆不得與胡太后相見太后或為

帝設食

為于偽翻

帝亦不敢嘗

庚戌齊遣侍中赫連子悅

聘於周

十一月丁巳周主如散關

散悉宣翻

丙寅齊以

徐州行臺廣寧王孝珩

珩音行

錄尚書事庚午又以為司

徒癸酉以斛律光為左丞相

十二月己丑周主還長

安壬辰邵陵公章昭達卒

是歲梁華皎將如周

華戶

化翻過襄陽說衛公直曰梁主既失江南諸郡

吳明徹章昭達再攻

梁江南諸郡皆為陳所取說式為翻

民少國貧朝廷興亡繼絕理宜資贍


望借數州以資梁國直然之遣使言狀周主詔以基平

都三州與之

五代志竟陵郡豐鄉縣西魏置基州及章山郡又竟陵郡樂鄉縣舊置武寧郡西魏

置都州又南郡紫陵縣其城南面梁置都州今周以與梁者蓋武寧之都州也當陽縣後周置平州少詩沼翻

贍昌艷翻使疏吏翻都音若



資治通鑑卷一百七十

欽定四庫全書

史部

資治通鑑卷一百七十二

詳校官修撰<sub>臣</sub>錢 榮

洗馬<sub>臣</sub>王 坦修覆勘

總校官知縣<sub>臣</sub>楊懋珩

校對官中書<sub>臣</sub>葉 蘭

謄錄監生<sub>臣</sub>曹方昇

欽定四庫全書

資治通鑑卷一百七十一

宋

司馬光

撰

胡三省

音註

陳紀五

起玄戰執徐盡開  
進救祥凡三年

高宗宣皇帝上之下

太建四年春正月丙午以尚書僕射徐陵為左僕射

尚書

置二僕射分為左右若  
省一僕射則止稱僕射

中書監主勲為右僕射

勲莫  
敗翻

已巳齊主祀南郊

五代志後齊制圓丘方澤並三年一  
祭謂之禘祀其南北郊則歲一祀皆

以正月上辛今書已已以致齋之日為始也南郊為壇於國南廣輪三十六尺高九尺四面各一陛為三壇內壇去壇二十五步中壇外壇相去如內壇四面各通一門又為大營於外壇之外廣輪二百七十步營壘廣一大深八尺四面各一門又為燎壇於中壇之外丙地廣輪二十七尺高一尺八寸四面各一陛祀所感帝靈威仰於壇以高祖神武皇帝配禮用四圭有邸幣各如方色其上上帝及配帝各用騂特牲一

庚午上

享太廟

辛未齊主贈琅邪王儼為楚恭哀帝以慰太

后心

儼死見上卷上年

又以儼妃李氏為楚帝后

二月癸酉

周遣大將軍昌城公深聘於突厥

厥九勿翻

司賓李除小賓

部賀遂禮聘於齊

後周倣成周之制以建官司賓蓋周官大行人之職小賓部其小行人之



職歟杜佑曰後周秋官之屬有小賓部下大夫上士

深護之子也

己卯齊以衛

菩薩為太尉

菩薩胡翻薩桑割翻北史並同不知菩薩何人亦不言何官

辛

己以并省吏部尚書高元海為尚書左僕射

自元魏置諸道行臺

各置令僕尚書等官齊神武破爾朱兆得晉陽建大丞相府而居之文宣受禪遂置尚書省

乙酉

封皇子叔卿為建安王

庚寅齊以尚書左僕射唐邕

為尚書令侍中祖珽為左僕射

珽它

初胡太后既幽於

北宮

事見上卷上年

珽欲以陸令萱為太后為令萱言魏保太

后故事

保太后事見百二十卷宋帝元嘉二年為令之為于偽翻

且謂人曰陸雖婦

人然實雄傑自女媧以來未之有也

司馬貞曰女媧亦風姓有神聖之德

代宓義立號曰女希氏蓋宓義之後已經數世金木輪環周而復始也孫恤曰女媧古女后也媧古華翻令

萱亦謂珽為國師國寶由是得僕射

三月癸卯朔日

有食之

初周太祖為魏相立左右十二軍摠屬相府

太祖殂皆受晉公護處分

立十二軍事見百六十二卷梁簡文帝大寶元年敬帝太

平元年周太祖殂十二軍受護處分始是年也世祖天嘉元年護歸政於周世宗實武成元年護猶摠軍旅次年護弒世宗立高祖改元保定政悉歸護事具百六十六卷至百六十八卷相息亮翻處昌呂翻分扶問翻

凡所徵發非護書不行護第屯兵侍衛盛於宮闕諸子

僚屬皆貪殘恣橫

橫戶孟翻

士民患之周主深自晦匿無所

闕預人不測其淺深護問稍伯大夫庾季才曰比日天

道何如

後周稍伯益周官稍人之職周官稍人主為縣師令都鄙丘甸之政距王城三百里曰稍杜佑

曰後周地官之屬有每方稍伯中大夫又每遂有小稍伯稍大夫皆下大夫又有小稍伯稍正上士中士庾季

才明於天文故護問之稍所教翻比毗至翻

季才對曰荷恩深厚敢不盡言

頃上台有變

荷下可反隋志曰三台六星兩兩而居起文昌列招搖三公之位也西近文昌二星

謂之上台公宜歸政天子請老私門此則享期願之壽

曲禮百年

曰期願鄭玄曰期猶要也願養也

受旦奭之美

周公旦召公奭

子孫常為藩屏

屏必鄧翻

不然非復所知又復扶翻護沈吟久之曰吾本志如此

但辭未獲免耳

沈持林翻沈吟者深味其言微發於聲而不能自決之貌

公既為王

官可依朝例

朝直遙翻下同

無煩別參寡人也自是疎之衛公

直帝之母弟也深昵於護及沌口之敗

沌口敗事見上卷臨海王光大

二年昵尼質翻沌柱充翻

坐免官由是怨護勸帝誅之冀得其位帝

乃密與直及右宮伯中大夫宇文神舉內史下大夫太

原王軌右侍上士宇文孝伯謀之

周官宮伯掌王宮宿衛次舍之職事內史

掌詔王爵祿廢置殺生予奪之法命諸侯孤卿大夫則策命之凡四方之事書內史讀之後周蓋髣髴其意以

置官至隋諱忠字以中書為內史其位任尤重左右侍  
亦倣周官侍御以置官而叛其名五代志周置左右宮  
伯掌侍衛之禁各更直於內小宮伯貳之臨朝則在前  
侍之首行則夾路車左右中侍掌御寢之禁左右侍陪  
中侍之後左右前侍掌御寢南門之左右左右後侍掌  
寢北門之左右杜佑曰周制宮伯中大夫屬天宮內史  
屬春官有中  
大夫下大夫  
神舉顯和之子孝伯安化公深之子也

公爵以別護子深  
安化郡唐之慶州

帝每於禁中見護常行家人禮

以兄  
弟齒

太后賜護坐帝立侍於旁丙辰護自同州還長安帝御

文安殿見之因引護入含仁殿謁太后且謂之曰太后

春秋高頗好飲酒

好呼  
到反

雖屢諫未蒙垂納兄今入朝願

更啓請因出懷中酒誥授之

周成王作酒誥戒母彛酒母敢崇飲

曰以此

諫太后護既入如帝所戒讀酒誥未畢帝以玉珽自後

擊之

記天子措珽鄭玄曰珽亦笏也珽之言珽然無所屈也或謂之大圭長三尺杼上終葵首終葵首者

於杼上又廣其首如推頭隋志今制珽長尺二寸方而不折以球玉為之珽他項翻護踣於地蒲

北

帝令宦者何泉以御刀斫之泉惶懼斫不能傷衛公

直匿於戶內躍出斬之時神舉等皆在外更無知者

史

周主

帝召宮伯長孫覽等以護已誅長知令收護子柱

國譚公會大將軍莒公至

譚莒古國名

崇業公靜正平公乾

嘉崇業正平皆郡公按隋書帝紀隨州有崇業郡而志不載五代志絳郡正平縣舊置正平郡及其

弟乾基乾光乾蔚乾祖乾威蔚紆勿翻并柱國北地侯龍恩

龍恩弟大將軍萬壽侯姓也大將軍劉勇中外府司錄尹

公正素傑護都督中外故置中外府其屬有長史司馬司錄膳部下大夫李安

等於殿中殺之覽稚之孫也長孫稚著功名於正光永安之間初護既

殺趙貴等護殺貴等事見百六十七卷高祖永定元年侯龍恩為護所親其

從弟開府儀同三司植謂龍恩曰從才用翻主上春秋既富

安危繫於數公若多所誅戮以自立威權豈唯社稷有

累卵之危恐吾宗亦緣此而敗兄安得知而不言龍恩

不能從植又承間言於護曰

間古覓翻

公以骨肉之親當社

稷之寄願推誠王室擬迹伊周則率土幸甚護曰我誓

以身報國卿豈謂吾有他志邪

邪音耶

又聞其先與龍恩

言陰忌之植以憂卒

卒子恤翻

及護敗龍恩兄弟皆死高祖

以植為忠特免其子孫大司馬兼小冢宰雍州牧齊公

憲素為護所親任

雍於用翻

賞罰之際皆得參預權執頗盛

護欲有所陳多令憲聞奏其間或有可不

不讀曰否

憲慮主



相嫌隙

相息亮翻

每曲而暢之帝亦察其心及護死召憲入

憲免冠拜謝帝慰勉之使詣護第收兵符及諸文籍衛

公直素忌憲固請誅之帝不許護世子訓為蒲州刺史

是夜帝遣柱國越公盛乘傳徵訓至同州賜死

自蒲州西南至

同州一百三十里同州西南至長安二百二十五里傳張繼翻

昌城公深使安厥未還

使疏吏翻

遣開府儀同三司宇文德齋璽書就殺之護長史

代郡叱羅協

叱羅虜複姓魏收官氏志拓拔內入諸姓有叱羅氏協時在同州璽斯氏翻

司

錄弘農馮遷及所親任者皆除名丁巳大赦改元

改元建德

以字文孝伯為車騎大將軍

騎寄翻

與王軌並加開府儀

同三司初孝伯與帝同日生太祖愛之養於第中幼與

帝同學及即位欲引致左右託言欲與孝伯講習舊經

故護弗之疑也以為右侍上士出入卧內預聞機務孝

伯為人沈正忠諒

沈持林翻

朝政得失外間細事無不使帝

聞之

朝直遥翻

帝閱護書記有假託符命妄造異謀者皆坐

誅唯得庾季才書兩紙盛言緯候災祥

緯謂七緯日月五星之行失行

則為災候謂月令七十二候失節則為災緯于貴反

宜返政歸權帝賜季才粟三

百石帛二百段遷太中大夫癸亥以尉遲迴為太師

尉紆

勿翻

柱國竇熾為太傅李穆為太保齊公憲為大冢宰衛

公直為大司徒陸通為大司馬柱國辛威為大司寇趙

公招為大司空

後周之制三公九命六官七命

時帝始親覽朝政頗事

威刑雖骨肉無所寬借齊公憲雖遷冢宰實奪之權又

謂憲侍讀裴文舉曰昔魏末不綱

後周諸王有侍讀之官不綱言人君不能

操持大綱致衆目紊亂

太祖輔政及周室受命晉公復執大權積

習生常愚者謂法應如是豈有年三十天子而可為人

所制乎詩云夙夜匪懈以事一人

詩大雅烝民之

一人

謂天子耳卿雖陪侍齊公不得遽同為臣欲死於所事

宜輔以正道勸以義方輯穆我君臣協和我兄弟勿令

自致嫌疑文舉咸以白憲憲指心撫几曰吾之夙心公

寧不知但當盡忠竭節耳知復何言

復扶又翻

衛公直性浮

詭貪狠

狠戶懇翻

意望大家宰既不得殊怏怏更請為大司

馬欲據兵權帝揣知其意曰汝兄弟長幼有序豈可返

居下列由是用為大司徒

為後三年衛公直作亂張本快於兩翻揣初委翻長知兩

翻

夏四月周遣工部成公建小禮部辛彥之聘於齊

杜佑通典周制工部中大夫屬冬官五命禮部屬春官中大夫五命小禮部上士也三命

庚寅周

追尊略陽公為孝閔皇帝

廢略陽公事見百六十卷高祖永定元年

癸

巳周立皇子魯公贇為太子

贇於倫翻

大赦

五月癸卯王

勦卒

勦音邁卒子恤翻

齊尚書右僕射祖珽執傾朝野左丞

相咸陽王斛律光惡之

珽他鼎翻朝直遙翻惡烏路翻

遙見輒罵曰多

事乞索小人

乞索求取也小人求取無厭致國家多事索山客翻

欲行何計又嘗謂

諸將曰兵馬處分趙令恒與吾輩參論

趙令謂趙彥深為尚書令以其

官稱之也處昌呂翻分扶盲人掌機密以來祖珽病盲故詆之盲

事始上卷臨海全不與吾輩語正恐誤國家事耳光嘗

在朝堂垂簾坐朝直遙反下同珽不知乘馬過其前光怒曰小

人乃敢爾爾猶言如此也後珽在內省齊蓋以門下省為內省言聲高

慢光適過聞之又怒珽覺之私賂光從奴問之從才用翻奴

曰自公用事相王每夜抱膝嘆曰盲人入國必破矣相息

亮反穆提婆求娶光庶女不許齊主賜提婆晉陽田光言

於朝曰此田神武帝以來常種禾飼馬數千匹以擬寇

敵

銅祥  
吏翻

今賜提婆母乃闕軍務也由是祖穆皆怨之斛

律后無寵珽因而間之

間古  
覓翻

光弟羨為都督幽州刺史

行臺尚書令亦善治兵

治直  
之翻

士馬精彊鄧侯嚴整突厥

畏之謂之南可汗

可從刊入  
聲汗音寒

光長子武都為開府儀同

三司梁兗二州刺史

長知  
西翻

光雖貴極人臣性節儉不好

聲色

好呼  
到反

罕接賓客杜絕饋餉不貪權勢每朝廷會議

常獨後言言輒合理或有表疏令人執筆口占之務從

省實

語省而  
事實

行兵倣其父金之法營舍未定終不入幕

或竟日不坐身不脫介冑常為士卒先士卒有罪唯大

杖撾背

撾側瓜翻

未嘗妄殺衆皆爭為之死

為于偽翻

自結髮從

軍未嘗敗北深為鄰敵所憚周勲州刺史韋孝寬

高歡字文

泰兵爭泰使韋孝寬守玉壁歡盡力攻之不克而歸遂死宇文氏於此立勲州以旌其功其地在隋絳郡稷山

縣

密為謠言曰百升飛上天明月照長安

上時掌反

又曰高

山不推自崩

推吐雷翻

擲木不扶自舉令謀人傳之於鄴

謀達

叶翻鄴中小兒歌之於路珽因續之曰盲老公背受大斧

饒舌老母不得語

珽屯鼎翻今人猶謂多口為饒舌

使其妻兄鄭道蓋



奏之帝以問珽珽與陸令萱皆曰實聞有之珽因解之

曰百升者斛也盲老公謂臣也與國同憂饒舌老母似

謂女侍中陸氏也且斛律累世大將明月聲震關西豐

樂威行突厥

斛律光字明月美字豐樂將即亮翻樂音洛

女為皇后男尚公

主謠言甚可畏也帝以問韓長鸞長鸞以為不可事遂

寢珽又見帝請問

間古莧翻又音如字

唯何洪珍在側帝曰前得

公啓即欲施行長鸞以為無此理珽未對洪珍進曰若

本無意則可既有此意而不決行萬一泄露如何帝曰

洪珍言是也然猶未決會丞相府佐封士讓密啓云光

前西討還敕令散兵光引兵逼帝城將行不執事不果

而止

還從宣翻又音如字令力丁翻事見上  
卷三年封士讓密啓亦珽等使之也

家藏弩甲

僮奴千數每遣使往豐樂武都所

使疏吏  
翻下同

陰謀往來若

不早圖恐事不可測帝遂信之謂何洪珍曰人心亦大

靈我前疑其欲反果然帝性怯恐即有變令洪珍馳召

祖珽告之欲召光恐其不從命珽請遣使賜以駿馬語

云

使疏吏翻  
語牛倨翻

明日將遊東山王可乘此同行光必入謝

因而執之帝如其言六月戊辰光入至涼風堂劉桃枝

自後撲之不仆

撲弼角翻

顧曰桃枝常為如此事

齊自文宣以來每殺

諸王大臣劉桃枝率攘臂為之故光云然

我不負國家桃枝與三力士以弓

弦冒其頸拉而殺之

冒古縣翻拉盧合翻

血流於地剡之迹終不

滅

剡初限翻削也

於是下詔稱其欲反并殺其子開府儀同三

司世雄儀同三司恒伽

齊制開府儀同三司從一品儀同三司第二品恒戶登翻伽求

加翻

祖珽使二千石郎邢祖信簿錄光家

齊制二千石郎掌畿外得失等

事珽於都省問所得物

都省即尚書都省五代志後齊制錄令僕射總理六尚書事謂

之都省

祖信曰得弓十五宴射箭百刀七陽稍二

明非私藏兵器

稍色角翻

珽厲聲曰更得何物曰得棗杖二十束擬奴僕與

人問者不問曲直即杖之一百

棗木堅而密理可以為杖

珽大慙乃

下聲曰朝廷已加重刑郎中何宜為雪

為于偽翻

及出人尤

其抗直祖信慨然曰賢宰相尚死我何惜餘生齊主遣

使就州斬斛律武都又遣中領軍賀拔伏思乘驛捕斛

律羨仍以洛州行臺僕射中山獨孤永業代羨與大將

軍鮮于桃枝發定州騎卒續進

騎奇寄翻

伏思等至幽州門

者白使人衷甲

使疏吏翻下同

馬有汗宜閉城門美曰敕使豈

可疑拒

敕使謂使者奉敕而來至唐時率以稱宦者

出見之伏思執而殺之

初美常以盛滿為懼表解所職不許臨刑歎曰富貴如

此女為皇后公主滿家常使三百兵何得不敗及其五

子伏護世達世遷世辨世酋皆死

酋慈由翻

周主聞光死為

之大赦

幸其死也為于偽翻

祖珽與侍中高元海共執齊政元海

妻陸令萱之甥也元海數以令萱密語告珽

數所角翻

珽求

為領軍齊主許之元海密言於帝曰孝徵漢人

祖珽字孝徵

兩目又盲豈可為領軍因言珽與廣寧王孝珩交結

孝珩

文襄之子齊主所忌也珽戶庚翻

由是中止珽求見自辯

見賢遍翻

且言臣

與元海素嫌必元海譖臣帝弱顏不能諱以實告之

見人

輒自羞面顏有忸怩者為弱顏今人猶有是言

珽因言元海與司農卿尹子華

等結為朋黨又以元海所泄密語告令萱令萱怒出元

海為鄭州刺史

地形志天平初置潁州治長社城武定七年改鄭州治潁陰城周滅齊改鄭州

曰許州於滎陽置鄭州

子華等皆被黜

被皮義翻

珽自是專主機衡

尚書

職掌機密任居銓衡

摠知騎兵外兵事

後齊制尚書郎有中兵外兵各分左右左外兵掌河

南及潼關已東諸州右外兵掌河北及潼關已西諸州丁帳及發召徵兵等事騎奇寄翻

內外親

戚皆得顯位帝常令中要人扶侍出入

中要人宦官之清要者

直

至永巷每同御榻論決政事委任之重羣臣莫比秋

七月遣使如周

使疏吏翻下同

八月庚午齊廢皇后斛律氏

為庶人

斛律光既死則其女廢矣

以任城王湝為右丞相

湝戶皆翻又音皆

馮翊王潤為太尉蘭陵王長恭為大司馬廣寧王孝珩

為大將軍安德王延宗為大司徒齊使領軍封輔相

聘於周

相息亮反

辛未周使司城中大夫杜杲來聘

杲以武公

名改司空為司城侯國之卿也後周倣成周之遺制上  
必不以諸侯之卿名官蓋髣髴周官掌固之職

謂之曰若欲合從圖齊

從子容翻

宜以樊鄧見與對曰合從

圖齊豈弊邑之利必須城鎮宜待得之於齊先索漢南

索山

使臣不敢聞命

使疏吏翻

初齊胡太后自愧失德

胡太

客翻

后失德久矣事發則見上卷上年

欲求悅於齊主乃飾其兄長仁之女

置宮中令帝見之帝果悅納為昭儀

元魏以來昭儀次於皇后位視大司

馬

及斛律后廢陸令萱欲立穆夫人太后欲立胡昭儀

力不能遂乃卑辭厚禮以求令萱結為姊妹令萱亦以



胡昭儀寵幸方隆不得已與祖珽白帝立之戊子立皇

后胡氏 巳丑齊以北平王仁堅為尚書令特進許季

良為左僕射彭城王寶德為右僕射 癸巳齊主如晉

陽 九月庚子朔日有食之 辛亥大赦 冬十月庚

午周詔江陵所虜充官口者悉免為民

梁元帝承聖三年江陵破士民

皆為魏所虜入關

辛未周遣小匠師楊勰等來聘

匠師大司空之屬也

杜佑通典周小匠師下大夫屬冬官四命又有上士三命總音協

周綏德公陸通卒

綏德縣公也西魏於綏州上縣置綏德縣卒子恤翻

乙酉上享太廟

五代志陳立七廟一

歲五祠春夏秋冬臘也每祭共以一  
大牢始祖以三牲首餘惟骨體而已

齊陸令萱欲立

穆昭儀為皇后私謂齊主曰豈有男為皇太子而身為

婢妾者胡后有寵於帝不可離間

間古  
覓翻

令萱乃使人行

厭蠱之術

厭一  
琰翻

旬朔之間胡后精神恍惚

恍惚  
音忽

言

笑無恒帝漸畏而惡之

恒戶  
登翻

令萱一旦忽以皇后

服御衣被昭儀

衣於既  
翻被皮義  
翻

又別造寶帳爰及枕席器玩

莫非珍奇坐昭儀於帳中謂帝曰有一聖女出將大家

看之及見昭儀令萱乃曰如此人不作皇后遣何物人

作帝納其言甲午立穆氏為右皇后以胡氏為左皇后

十一月庚戌周主行如羗橋

羗橋在長安東以符姚諸羗而得名

集長

安以東諸軍都督以上頒賜有差乙卯還宮以趙公招

為大司馬壬申周主如斜谷

斜音邪又似嗟翻谷音欲又古祿翻

集長安

己酉都督已上頒賜有差丙戌還宮庚寅周主遊道

會苑以上善殿壯麗焚之

十二月辛巳周主祀南郊

五代志周憲章姬周祭祀之式多依儀禮南郊為方壇於國南五里其崇一丈二尺其廣四丈其壇方百二十步內壇半之祭以正月上辛以始祖獻侯莫那配所感帝靈威仰於其上也

齊胡后之立非

陸令萱意令萱一旦於太后前作色而言曰何物親姪作如此語太后問其故令萱曰不可道因問之乃曰語

大家云

語大牛  
侶翻

太后行多非法不可以訓

行下  
孟翻

太后大

怒呼后出立剃其髮送還家

剃他  
計翻

辛丑廢胡后為庶人

然齊主猶思之每致物以通意自是令萱與其子侍中

穆提婆勢傾內外賣官鬻獄聚斂無厭

斂力  
膽翻  
厭一  
鹽翻

每一

賜與動傾府藏

藏但  
浪翻

令萱則自太后以下皆受其指麾

提婆則唐邕之徒皆重足屏氣

重直  
龍翻  
屏必  
郢翻

殺生予奪唯

意所欲

乙巳周以柱國田弘為大司空

乙卯周主

享太廟

五代志後周思復古之道右宗廟而左社稷置太祖之廟并高祖已下二昭二穆凡五親盡則

遷其有德者謂之祧廟亦不毀

是歲突厥木杆可汗卒復捨其子大

邏便而立其弟是為佗鉢可汗佗鉢以攝國為爾伏可汗統

其東面又以其弟褥但可汗之子為步離可汗居西面

厥九勿翻

梁世祖承聖二年突厥土門可汗卒捨其子攝圖立其弟俟斗稱為木杆可汗褥但既佗鉢之弟蓋小可汗也

杆古按翻可從刊入聲汗音寒卒子恤翻復扶又翻佗徒何翻

周人與之和親歲給繒

絮錦綵十萬段

繒慈陵翻

突厥在長安者衣錦食肉常以千

數

衣於既翻

齊人亦畏其為寇爭厚賂之佗鉢益驕謂其下

曰但使我在南兩兒常孝何憂於貧

在南兩兒謂尔伏步離二人所部分

西北皆南近中國

阿史那后無寵於周主

考異曰周書曰后有安貌善容止周帝

甚敬焉案房玄齡唐高祖實錄云武帝納突厥女陋而無寵太穆皇后勸帝強撫慰之今從之

神武公

竇毅尚襄陽公主

神武郡公拓拔魏置神武郡於尖山

生女尚幼密言於

帝曰今齊陳鼎峙

齊陳及周三國鼎峙

突厥方彊願舅抑情慰撫

以生民為念帝深納之

此女後適李淵是為唐高祖竇皇后

五年春正月癸酉以吏部尚書沈君理為右僕射 戊

寅齊以并省尚書令高阿那肱錄尚書事摠知外兵及

內省機密與侍中城陽王穆提婆領軍大將軍昌黎王

韓長鸞共處衡軸

處昌呂翻車軌曰衡持輪者曰軸車非二者不行故以為喻號曰

三貴蠹國害民日月滋甚

滋益也

長鸞弟萬歲子寶行

寶信並開府儀同三司萬歲仍兼侍中寶行寶信皆尚

公主每羣臣旦參

參朝參也

帝常先引長鸞顧訪出後方引

奏事官若不視事內省有急奏事皆附長鸞奏聞軍國

要密無不經手尤疾士人朝夕宴私唯事諧訴常帶刀

走馬未嘗安行瞋目張拳

瞋昌真翻

有噉人之勢朝士咨事

莫敢仰視動致呵叱每罵云漢狗大不可耐唯須殺之

呵虎何翻叱昌栗翻耐奴代翻

庚辰齊遣崔象來聘

辛巳上幸南

郊甲午享大廟二月辛丑祀明堂 乙巳齊立右皇后

穆氏為皇后穆后母名輕霄本穆氏之婢也面有黥字

北史輕霄本穆子倫婢轉入宋欽道家欽道之婦妬輕霄黥其面為宋字姦私而生此女莫知其姓

后既

以陸令萱為母穆提婆為外家號令萱曰太姬太姬者

齊皇后母號也視一品班在長公主上

長知兩翻

由是不復



問輕霄

復扶又翻

輕霄自療面欲求見后太姬使禁掌之竟

不得見齊主頗好文學

好呼到翻

丙午祖珽奏置文林館多

引文學之士以充之謂之待詔以中書侍郎博陵李德

林黃門侍郎琅邪顏之推同判館事又命共撰修文殿

御覽

齊天統中毀東宮起修文等殿撰士免翻

甲寅周太子賁巡省西土

省悉景翻

乙卯齊以北平王堅錄尚書事

按上年秋八月齊以北平王仁

堅錄尚書事此恐逆仁字

丁巳齊主如晉陽 壬戌周遣司會侯

莫陳凱等聘於齊

周官司會屬冢宰鄭玄曰會大計也司會主天下之大計計官之長若今

尚書後周司會屬天官  
中大夫也會工外翻

庚辰齊主還鄴 三月己卯

周太子於岐州獲二白鹿以獻

因巡省而獲白鹿

周主詔曰在

德不在瑞 帝謀伐齊公卿各有異同唯鎮前將軍吳

明徹決策請行

梁武帝置八鎮將軍東西南北止施在外左右前後止施在內

帝謂公

卿曰朕意已決卿可共舉元帥

帥所類翻

衆議以中權將軍

淳于量位重共署推之

梁置四中將軍與八鎮將軍同擬官品第二然四中班四征之下

上八鎮班四征之下故以量位為重

尚書左僕射徐陵獨曰吳明徹家在

淮左

吳明徹秦郡人

悉彼風俗將略人才當今亦無過者

將即亮翻

下同

都官尚書河東裴忌曰臣同徐僕射陵應聲曰非但

明徹良將裴忌即良副也壬午分命衆軍以明徹都督

征討諸軍事忌監軍事

將即亮翻  
監工銜翻

統衆十萬伐齊明徹

出秦郡都督黃法氈出厯陽

氈巨  
俱翻

夏四月己亥周主

享太廟 癸卯前巴州刺史魯廣達與齊師戰于大峴

破之

梁置巴州於巴陵此大峴在合  
肥之南厯陽之北峴戶典翻

戊申齊以蘭陵

王長恭為太保南陽王綽為大司馬安德王延宗為大

尉武興王普為司徒開府儀同三司宜陽王趙彥深為

司空齊人於秦郡置秦州州前江浦通涂水

今真州間即其

地涂讀曰滁

齊人以大木為柵於水中辛亥吳明徹遣豫章

內史程文季將驍勇拔其柵克之

將即亮翻又音如字領也驍堅亮翻

文

季靈洗之子也

梁陳之間程靈洗以勇鳴

齊人議禦陳師開府儀同

三司王紘曰官軍比屢失利人情騷動

攷之史比年以來齊師未嘗失

利蓋爭宜陽汾北周齊更勝迭負周師雖退齊師亦疲也比毗至翻

若復出頓江淮恐北

狄西寇乘弊而來

復扶又翻北狄謂突厥西寇謂周

莫若薄賦省徭息

民養士使朝廷輯睦遐邇歸心天下皆當肅清豈直陳

氏而已不從遣軍救歷陽

考異曰陳書帝紀云齊遣兵十萬救歷陽黃法輒傳云步

騎五萬援歷陽蕭摩訶傳尉破胡等帥衆十萬來援索源文宗之語恐無此數今不取

庚申黃法

輒擊破之又遣開府儀同三司尉破胡長孫洪略救秦

州

尉紆勿翻

趙彥深私問計於秘書監源文宗曰吳賊侏張

遂至于此

侏舊音張流翻蓋因書譌張為幻爾雅譌作侏遂有此音按類篇侏音張流切其義華也

書所謂譌張其義誕也以文理求弟往為秦涇刺史

齊置

秦州於秦郡涇州於石梁

悉江淮間情事今何術以禦之文宗曰朝

廷精兵必不肯多付諸將

將音即亮翻

數千已下適足為吳

人之餌尉破胡人品王之所知彦深封宜陽王故稱之敗績之事

匪朝伊夕國家待遇淮南失之同於蒿箭唐高祖遣李密徇山東廷

臣多諫帝曰如以蒿箭射蒿中耳言不足惜也乃知此語之來久矣如文宗計者不過專

委王琳招募淮南三四萬人風俗相通能得死力兼令

舊將將兵屯於淮北將音即亮翻且琳之於項必不肯北面

事之明矣竊謂此計之上者若不推赤心於琳更遣餘

人掣肘宓子賤為單父宰言於魯君請與二吏俱至邑使二吏書而掣其肘書不工輒怒之吏不能堪

歸以告魯君魯君曰是慮我掣其肘耳宓賤是以能為單父後之言掣肘者本此掣音昌列翻復成速

禍彌不可為

是役卒如文宗之言復音扶又翻

彥深歎曰弟此策誠足

制勝千里但口舌爭之十日已不見從時事至此安可

盡言因相顧流涕文宗名彪以字行子恭之子也

源子恭以

幹用稱於熙平永安之間

文宗子師為左外兵郎中攝祠部嘗白高

阿那肱龍見當雩阿那肱驚曰何處龍見其色如何師

曰龍星初見禮當雩祭非真龍也阿那肱怒曰漢兒多

事強知星宿遂不祭師出竊歎曰禮既廢矣齊能久乎

見賢通翻強其西翻春秋左氏傳曰龍見而雩杜預注云龍見建巳之月蒼龍之體昏見東方萬物始盛待雨

而大故祭天遠為百穀祈甘雨鄭玄曰雩吁嗟求雨之祭孔穎達曰天之四方皆有七宿各成一形東方成龍形西方成虎形皆南首而北尾南方成鳥形北方成龜形皆西首而東尾五代志後齊以孟夏龍見而雩祭太微五精帝於夏郊之東為圓壇於其上祈穀實以顯祖文宣帝配通鑑言國之將亡其禮先亡諸源本出於鮮卑未嘗以為諱鮮卑遂自謂貴種率謂華人為漢兒率侮詬之諸源世仕魏朝貴顯習知典禮遂有雩祭之請冀以取重乃以取詬通鑑詳書之又一嘅也

因源文宗不敢盡言併及其子竊歎之事

齊師選長

大有膂力者為前隊又有蒼頭犀角大力其鋒甚銳又

有西域胡善射弦無虛發衆軍尤憚之辛酉戰于呂梁

呂梁在彭城疑此即石梁將戰吳明徹謂巴山太守蕭摩訶曰若殪



此胡守音式又翻則彼軍奪氣君才不減關羽矣摩訶

曰願示其狀當為公取之為音于偽翻明徹乃召降人有識

胡者使指示之自酌酒以飲摩訶降音戶江翻飲音於禁翻摩訶飲

畢馳馬衝齊軍胡挺身出陳前十餘步陳讀曰陣穀弓未發

摩訶遥擲銑銑音蘓典翻銑音他典類篇曰銑銑小鑿也正中其額應手

而仆中音竹仲翻齊軍大力十餘人出戰摩訶又斬之於是

齊軍大敗尉破胡走考異曰北齊書破胡敗在五月今從齊書長孫洪略

戰死破胡之出師也齊人使侍中王琳與之俱琳謂破

胡曰吳兵甚銳宜以長策制之慎勿輕鬪破胡不從而

敗琳單騎僅免

騎寄翻

還至彭城齊人即使之赴壽陽召

募以拒陳師復以盧潛為楊州道行臺尚書

復扶又翻盧潛在壽

陽與王琳不協事見一百六十八卷世祖天嘉二年

甲子南譙太守徐攄克石梁

城

攄謨于翻五代志石梁在江都郡永福縣齊置涇州於此

五月己巳瓦梁城降以

代志攷之瓦梁城當在江都郡六合縣界

癸酉陽平郡降

以地形志攷之梁置淮州治淮陰城

其屬有陽平郡治陽平城其地當在淮陰城西

甲戌徐攄克廬江城

按地形志梁置廬江

郡治潛縣潛縣今屬無為軍界徐攄之師蓋漸西向

歷陽窘蹙乞降黃法氈緩之

則又拒守法氈怒帥卒急攻

帥讀曰率

丙子克之盡殺戍卒

進軍合肥合肥望旗請降法氈禁侵掠撫勞戍卒

勞力到翻

與之盟而縱之

丁丑周以柱國侯莫陳瓊為大宗伯

滎陽公司馬消難為大司寇

難乃旦翻

江陵摠管陸騰為大

司空瓊崇之弟也

侯莫陳崇八柱國之一也

己卯齊北高唐郡降

五代志同安郡宿松縣梁置高塘郡降戶江翻

辛巳詔南豫州刺史黃法氈

氈巨

俱徙鎮歷陽

晉氏南渡豫部鐵覆刺史祖約自譙城退屯壽春咸和間庾亮治蕪湖咸康間毛寶

治邾城永和初趙盾鎮牛渚二年謝尚鎮蕪湖四年進壽春九年鎮歷陽十一年進馬頭寧康初桓冲戍姑孰

宋永初中分淮東為南豫州治歷陽淮西為豫州秦始  
中淮西陷沒以揚州之淮南宣城為南豫州治宣城蕭  
齊治姑孰梁武佳兵治無定所侯景之亂江淮  
之地皆歸高齊陳治宣城今復歷陽命徙鎮焉

乙西南

齊昌太守黃詠克齊昌外城

五代志蘄春郡蘄春縣舊曰蘄陽梁改蘄水後齊改

曰齊昌置齊昌郡守式又翻

丙戌廬陵內史任忠軍於東關克其東

西二城

東關東西二城吳諸葛恪所築也任音士

進克蘄城

五代志廬江郡襄安縣梁曰蘄

蘄居衣翻又音其

戊子又克譙郡城

地形志合州之南譙郡城也亦在蘄縣界

秦

州城降

自四月辛亥拔秦州水柵至是三十八日州城始降

癸巳瓜步胡墅二城

降

二城皆在六合縣界臨江降戶江翻

帝以秦郡吳明徹之鄉里詔具太

牢令拜祠上冢

上時掌翻

文武羽儀甚盛鄉人榮之

齊自

和士開用事以來政體隳紊

和士開用事始一百六十九卷世祖天嘉四年隳音

揮紊扶

及祖珽執政頗收舉才望內外稱美珽復欲增

問翻

損政務沙汰人物

汰音太

官號服章並依故事又欲黜諸

閹豎及羣小輩為致治之方

豎臣庾翻童僕未冠者也又音樹治直之翻

陸

令萱穆提婆議頗同異珽乃諷御史中丞麗伯律令劾

主書王子冲納賂

麗姓伯律名姓苑有麗姓後齊制中書省有舍人主書各十人劾戶柴翻

又戶得翻

知其事連提婆欲使贓罪相及望因此并坐及令

萱猶恐齊主溺於近習

溺奴狄翻

欲引后黨為援乃請以胡

后兄君瑜為侍中中領軍又徵君瑜兄梁州刺史君璧

元魏置梁州於大梁城

欲以為御史中丞令萱聞而懷怒百方排

毀出君瑜為金紫光祿大夫鮮中領軍

出者自內省出就朝列金紫光

祿大夫本晉之左右光祿大夫假金章紫綬後遂於左右光祿大夫之下又置光祿大夫而光祿大夫假銀印青綬者為銀青光祿大夫後齊制金紫光祿大夫從二品中領軍第三品君瑜既鮮中領軍有品秩而無職事

君璧還鎮梁州胡后之廢頗亦由此釋王子冲不問珽

日以益踈諸宦者更共譖之帝以問陸令萱令萱憫默

不對

憫默憂而不  
敢言之貌

三問乃下牀拜曰老婢應死

言其罪  
應死也

老婢始聞和士開言孝徵多才博學意謂善人故舉之

比來觀之

比毗  
至翻

大是姦臣人寔難知老婢應死帝令韓

長鸞檢案

檢察也搜也校也舉  
也案考驗也亦舉也

長鸞素惡珽

惡烏  
路翻

得其

詐出勅受賜等十餘事帝以嘗與之重誓故不殺鮮珽

侍中僕射出為北徐州刺史

五代志琅邪郡  
舊置北徐州

珽求見帝

長鸞不許遣人推出柏閣

見賢遍翻  
推吐雷翻

珽坐不肯行長鸞

令牽曳而出癸巳齊以領軍穆提婆為尚書左僕射侍

中書監段孝言為右僕射孝言詔之弟也

段詔歷事高氏五世

著忠孝戰功為多

初祖珽執政引孝言為助除吏部尚書孝言

凡所進擢非賄則舊求仕者或於廣會膝行跪伏公自

陳請孝言顏色揚揚以為已任隨事酬許將作丞崔成

忽於衆中抗言曰尚書天下尚書豈獨段家尚書也孝

言無辭以應唯厲色遣下而已既而與韓長鸞共構祖

珽逐而代之齊蘭陵武王長恭貌美而勇以邛山之

捷威名大盛

考異曰北齊書長恭與周戰於邛山後主謂曰入陳太深失利悔無所及對曰家



事親切不覺遂然帝嫌其稱家事遂忌之案卬山之戰在河清三年後主時年九歲尚未即位何得有此問且稱家事亦何足致忌今不取

武士歌之為蘭陵王入陳曲

杜佑曰北齊蘭陵王

長恭才武而貌美嘗著假面以對敵嘗擊周師金墉城下勇冠三軍齊人壯之作此舞以效其指麾擊刺之容

謂之蘭陵王入陳曲

齊主忌之及代段韶督諸軍攻定陽頗務聚

歛

卬山之捷見一百六十九卷世祖天嘉五年攻定陽見上卷大建三年陳讀曰陣歛力瞻翻

其所

親尉相願

尉紆勿翻

問之曰王受朝寄何得如此

朝直還翻

長恭

未應相願曰豈非以卬山之捷欲自穢乎長恭曰然相

願曰朝廷若忌王即當用此為罪無乃避禍而更速之

乎長恭涕泣前膝問計

俯身而問膝前於席故曰前膝

相願曰王前既

有功今復告捷

復扶又翻

威聲太重宜屬疾在家

屬之欲翻

勿預

時事長恭然其言未能退及江淮用兵恐復為將

復扶又翻

將息亮翻

歎曰我去年面腫今何不發自是有疾不療齊主

遣使酖殺之

療力弔翻使疏吏翻

六月郢州刺史李綜克澠口

城

水經注江水逕魯山南左得湖口水又東合澠口水

江澠書涉翻

乙巳任忠克合州外城

按地形志及五代志皆云合州治合肥合肥前

已降黃法覲今任忠又克合州外城何也當致

康戍淮陽沐陽郡皆棄城走

五代

志梁置淮陽郡於下邳郡之淮陽縣又置潼陽郡  
於東海郡之沐陽縣東魏改曰沐陽郡沐食聿翻 壬

子周皇孫衍生 齊主遊南苑從官賜死者六十人 言史

齊主淫刑以高阿那肱為司徒 癸丑程文季攻齊

涇州拔之 按齊涇州治石梁是年 乙卯宣毅司馬湛陀

克新蔡城 梁置鎮兵翊師宣惠宣毅四將軍代舊四中

司農湛重五代志廬江郡淝水縣弋陽郡定城縣殷城

縣皆有梁所置新蔡郡又固始縣有後齊所置新蔡郡

未知孰是湛徒 丙辰齊使開府儀同三司王紘聘于

周 癸亥黃法氈克合州 以此觀之則前請降者 吳明

徹進攻仁州

地形志梁置仁州治赤坎城蓋在山陽縣界

甲子克之

治明

堂

五代志陳制明堂殿屋十二間中央六間安六座四方帝各依其方黃帝居坤維治直之翻

秋

七月戊辰齊遣尚書左丞陸騫將兵二萬救齊昌出自

巴

出自巴水蘄水之間也將即亮翻蘄音機又音祈

遇西陽太守汝南周昺

西陽郡在黃岡縣界昺枯迴翻又古惠翻

昺留羸弱設疑兵以當之身帥精

銳由間道邀其後大破之

羸倫為翻帥讀曰率間古覓翻

已已征北大

將軍吳明徹軍至峽口克其北岨城南岸守者棄城走

峽口峽石口也夾岸築西城以扼淮流吳明徹以功進律自從二品升第二品

周昺克巴州

後齊

置巴州 淮北絳城及穀陽士民並殺其戍主以城降絳城

蓋虹縣城音同而字異耳五代志 齊巴陵王王琳與揚

州刺史王貴顯保壽陽外郭吳明徹以琳初入衆心未

固丙戌乘夜攻之城潰齊兵還據相國城及金城二城皆在

壽陽城中相國城劉裕伐長安所築故名金城 八月乙

未山陽城降五代志江都郡山陽郡 壬寅盱眙城降盱眙縣亦屬江

都舊置盱眙郡 壬子戎昭將軍徐敬辯克海安城陳制戎昭

將軍品第八秩六百石海安 青州東海城降東海郡梁

青州今胸山縣

戊午平固侯敬泰等克晉州

平固縣沈約志屬南康郡吳立曰平

陽晉武帝太康元年更名五代志同安郡梁置晉州因晉熙以為名

九月甲子陽平城降

五代志江都郡安宜縣梁置陽平郡

壬申高陽太守沈善慶克馬頭城

五代

志鍾離郡塗山縣古當塗也後齊置馬頭郡

甲戌齊安城降

五代志永安郡黃岡縣後齊置

齊安郡

丙子左衛將軍樊毅克廣陵楚子城

此廣陵非江都之廣陵按

魏太和中蠻帥田益宗納土於魏魏為立東豫州治廣陵城五代志汝南郡新息縣魏置東豫州則此廣陵乃

新息之廣陵也又梁武帝置楚州於汝南郡之城陽縣治楚城即楚子城也水經淮水先過城陽縣而後過新

息縣則知廣陵城與楚子城相近

壬午周太子寶納妃楊氏妃大將

軍隨公堅之女也

為楊堅由后父而篡周張本

太子好昵近小人

呼好

到翻昵尼賢翻近其靳翻

左宮正字文孝伯言於周主曰皇太子四

海所屬

屬之欲翻

而德聲未聞臣忝宮官實當其責且春秋

尚少

少詩照翻

志業未成請妙選正人為其師友調護聖質

猶望日就月將

就從也將行也從事於學將以行之也鄭玄曰日就月將言當習之以積

如

或不然悔無及矣帝歛容曰卿世載鯁直

鯁古杏翻毛晃曰鯁魚骨

又骨不下咽世謂謬者為骨鯁謂直言難受如骨之啖咽也

竭誠所事觀卿此言有

家風矣孝伯拜謝曰非言之難受之難也帝曰正人豈

復過卿

復扶又翻

於是以尉遲運為右宮正運迴之弟子也

尉紆勿翻

帝嘗問萬年縣丞南陽樂運曰卿言太子何如人

對曰中人帝顧謂齊公憲曰百官佞我皆稱太子聰明

睿智唯運所言忠直耳因問運中人之狀對曰如齊桓

公是也管仲相之則霸豎貂輔之則亂

相息亮翻

可與為善

可與為惡帝曰我知之矣乃妙選宮官以輔之仍擢運

為京兆丞

由赤縣丞擢京郡丞

太子聞之意甚不悅

癸未沈君

理卒

卒子恆翻

壬辰晦前鄱陽內史魯天念克黃城

地形志譙



州下蔡郡有黃城縣按東魏置譙州於渦陽則黃城亦其屬縣也蓋下蔡在淮北而黃城在壽陽西水經注柴水東逕黃城西故式陽縣也城內二城西即黃城也柴水東北入于淮謂之淮口 甲午郭默城

降

晉氏不競劉石強盛郭默轉徙而南築城以自保故有其名

已亥以特進領國

子祭酒周弘正為尚書右僕射 齊國子祭酒張雕以

經授齊主為侍讀帝甚重之雕與寵胡何洪珍相結穆

提婆韓長鸞等惡之

惡鳥路翻

洪珍薦雕為侍中加開府儀

同三司奏度支事

度徒洛翻後齊六尚書度支其一也統度支倉部左戶右戶金部庫部六

曹凡度支事雕以奏聞

大為帝所委信常呼博士雕自以出於微

賤致位大臣欲立効以報恩論議抑揚無所回避省宮

掖不急之費禁約左右驕縱之臣數譏切寵要獻替帷

幄

數所  
角翻

帝亦深倚仗之雕遂以澄清為已任意氣甚高

貴倖皆側目尚書左丞封孝琰隆之弟子

封隆之高  
氏起兵佐

命之  
臣

與侍中崔季舒皆為祖珽所厚孝琰嘗謂珽曰公

是衣冠宰相異於餘人近習聞之大以為恨會齊主將

如晉陽季舒與張雕議以為壽陽被圍

被皮  
義翻

大軍出拒

之信使往還

使疏  
吏翻

須稟節度且道路小人或相驚恐以

為大駕向并州畏避南寇若不啓諫恐人情駭動遂與

從駕文官連名進諫

從才用翻

時貴臣趙彥深唐邕段孝言

等意有異同季舒與爭未決長鸞遽言於帝曰諸漢官

連名總署聲云諫幸并州其實未必不反宜加誅勅辛

丑齊主悉召已署名者集含章殿斬季舒雕孝琰及散

騎常侍劉逖黃門侍郎裴澤郭遵於殿庭家屬皆徙北

邊婦女配奚官幼男下蠶室

下戶嫁翻

沒入貲產癸卯遂如

晉陽 吳明徹攻壽陽堰肥水以灌城

按水經注肥水過壽陽城而入

淮然引流入城交絡城中吳明徹堰之以灌城其勢順易城中多病腫泄泄私死者

什六七齊行臺右僕射琅邪皮景和等救壽陽琅邪之

王以尉破胡新敗怯懦不敢前屯於淮口淮口蓋即穎

自穎上出至淮而使敕使屢促之然始度淮然如

如此始衆數十萬去壽陽三十里頓軍不進諸將皆懼

將即亮曰堅城未拔大援在近將若之何明徹曰兵貴

神速而彼結營不進自挫其鋒吾知其不敢戰明矣乙

巳躬擐甲胄擐音四面疾攻一鼓拔之生擒王琳王貴

顯盧潛及扶風王可朱渾道裕尚書左丞李駒駱送建

康

可朱渾唐三字姓駒徒刀翻駱同都翻

景和北遁盡收其駝馬輜重

直重

用翻

琳體貌閑雅喜怒不形於色彊記明敏軍府佐吏干

數皆能識其姓名

識職吏翻

刑罰不濫輕財愛士得將卒心

雖失地流寓在鄴齊人皆重其忠義及被擒故麾下將

卒多在明徹軍中見者皆歔歔不能仰視爭為之請命

將即亮翻被皮義翻歔音虛歔音希又許既翻為于偽翻

及致資給明徹恐其為變

遣使追斬之於壽陽東二十里

使疏吏翻

哭者聲如雷有一

更以酒脯來祭哭盡哀收其血而去田夫野老知與不

知聞者莫不流涕齊穆提婆韓長鸞聞壽陽陷握槊不

輟曰本是彼物從其取去

南北兵爭壽陽本屬江南故云然史言齊之君臣以樂惰

憂齊主聞之頗以為憂提婆等曰假使國家盡失黃河

以南猶可作一龜茲國

龜茲音丘慈唐人又讀為屈佳

更可憐人生如

寄唯當行樂

樂音洛

何用愁為左右嬖臣因共贊和之

嬖卑

義翻又匹計翻和戶卧翻

帝即大喜酣飲鼓舞

酣戶甘翻

仍使於黎陽臨

河築城戍

懼陳兵之來真欲畫河自保

丁未齊遣兵萬人至潁口

潁水

入淮樊毅擊走之辛亥遣兵援蒼陵又破之地形志揚州淮南郡

壽春縣故楚有蒼陵城水經注淮水東流與潁口齊主會東南逕蒼陵北又東北流逕壽春縣故城西

以皮景和全軍而還賞之除尚書令還從宣翻又音如字丙辰詔

以壽陽復為豫州復宋齊之舊也以黃城為司州以明徹為都

督豫合等六州諸軍事車騎大將軍豫州刺史遣謁者

蕭淳風就壽陽冊命騎奇寄翻陳依梁制謁者僕射秩千石於城南設壇

士卒二十萬陳旗鼓戈甲明徹登壇拜受成禮而退將

卒榮之上置酒舉杯屬徐陵曰賞卿知人將即亮翻屬之欲翻陵

避席曰定策聖衷非臣力也以黃法氈為征西大將軍

合州刺史戊午湛陀克齊昌城十一月甲戌淮陰城降

五代志江都郡山陽縣有淮陰郡氈巨俱翻降戶江翻庚辰威虜將軍劉桃枝克

朐山城陳制威虜將軍品第八秩六百石此劉桃枝自是陳將非齊之劉桃枝五代志東海郡有朐山

縣朐音劬辛巳樊毅克濟陰城五代志鍾離郡化明縣故曰睢陵置濟陰郡齊子禮翻

巳丑魯廣達攻濟南徐州克之濟當作齊書齊南徐以別京口之南徐以五代

史攷之齊之南徐州本置於下邳郡宿豫縣詳又注於考異之下以廣達為北徐州刺

史鎮其地考異曰陳書帝紀及廣達傳皆云北徐州案北齊書祖珽傳珽保全北徐州城不陷蓋



南人謂京口為南徐州故謂此為北徐州其實乃北齊之南徐州也按此所謂齊南徐州乃舊琅邪郡宋泰

始初琅邪沒魏莊帝永安二年置北徐州於琅邪時齊以祖珽為北徐州鎮琅邪魏收地形志太和中立北徐

州於宿豫蕭衍置北徐州於鍾離南北兵爭疆場之間一彼一此各立州郡當隨其所立州名書之恐不可以

齊之北徐州為齊北州民多起兵以應陳逼其州城按齊南徐州也

代志齊置北徐州於琅邪祖珽命不閉城門禁人不得出衢路爾雅四達謂之衢

城中寂然反者不測其故疑人走城空不設

備珽忽令鼓譟震天反者皆驚走既而復結陳向城復扶

又翻陳珽令錄事叅軍王君植將兵拒之自乘馬臨陳讀曰陣

左右射

射食亦翻

反者先聞其盲謂其必不能出忽見之大

驚穆提婆欲令城陷不遣援兵珽且戰且守十餘日反

者竟散走詔懸王琳首於建康市故吏梁驃騎倉曹參

軍朱瑒

梁制將軍府有功曹倉曹中兵外兵騎兵長流城局等參軍驃匹妙翻騎奇寄翻瑒雉杏翻又

音暢致書徐陵求其首曰竊以典午將滅徐廣為晉家遺

老

典司也午屬馬故謂司馬為典午徐廣事見一百十九卷宋高祖永初元年

當塗已謝馬

孚稱魏主忠臣

當塗高者魏也司馬孚事見七十九卷晉世祖泰始元年

梁故建寧

公琳當離亂之辰揔方伯之任天厭梁德尚思匡繼徒

蘊包胥之志

左傳吳破楚入郢申包胥赴秦請救以秦師破吳而復楚

終邁長弘之

眚

周靈王即位諸侯不朝長弘乃明鬼神事設射諸侯之不來者欲依怪物以致諸侯諸侯不從而周室愈

微後二世至敬王晉人殺長弘

至使身沒九泉頭行千里伏惟聖恩博

厚明詔爰發赦王經之哭

按魏元帝景元元年司馬昭弒高貴鄉公併收王經具吏

向雄抱經哭於東市昭赦雄

許田橫之葬

漢高帝葬田橫事見十一卷五年

不使壽

春城下唯傳報葛之人

魏高貴鄉公甘露三年司馬昭破壽春諸葛誕麾下不降而死

事見十七卷

滄洲島上獨有悲田之客

即田橫事陵為之啓上

為于

偽

十二月壬辰朔并熊曇朗等首皆還其親屬

熊曇朗誅見一

百六十八卷世祖天嘉元年

瑒瘞琳於八公山側義故會葬者數千

人瑒間道奔齊

義故故舊以義結者瘞於計翻間古莧翻

別議迎葬尋有壽

陽人茅智勝等五人密送其柩於鄴

柩音舊

齊贈琳開府

儀同三司錄尚書事謚曰忠武王給輜輶車以葬之

自秦

漢以來天子葬用輜輶車輶音溫輶音涼

癸巳周主集群臣及沙門道士

帝自升高坐辯三教先後

坐徂卧翻

以儒為先道為次釋為

後乙未譙城降

五代志譙郡山桑縣梁置渦州東魏改曰譙州降戶江翻

乙巳

立皇子叔明為宜都王叔獻為河東王壬午任忠克

霍州

五代志廬江郡霍山縣梁置霍州任音壬

詔徵安州刺史周炅入朝

按五

代志西魏置安州於安陸梁陳無安州隋書周法尚傳周炅為定州刺史或者安字其定字之誤歟朝直選翻

初梁定州刺史田龍升以城降

定州梁置治蒙龍城水經注舉水出龜頭山西

北流逕蒙龍城南梁定州治五代志永安都麻城縣陳置定州

詔仍舊任及炅入朝龍

升以江北六州七鎮叛入於齊齊遣厯陽王景安將兵

應之詔以炅為江北道大都督總衆軍以討龍升斬之

景安退走盡復江北之地

是歲突厥求昏於齊

六年春正月壬戌朔周齊公憲等七人進爵為王 已

已周主享太廟乙亥耕籍田

籍秦昔翻

壬子上享太廟

甲申廣陵金城降

去年九月樊毅克廣陵楚子城其金城至是始降降戶江翻

二

月壬午朔日有食之

乙未齊主還鄴

去年十月如晉陽至是始還

丁酉周紀國公賢等六人進爵為王辛亥上耕籍

田

梁初依宋齊以正月用事天監十二年武帝以為啓蟄而耕書云以殷仲春籍田理在建卯於是改用二

月陳因而不改籍而亦翻

齊朔州行臺南安王思好本高氏養子

驍勇得邊鎮人心

驍堅克翻

齊主使嬖臣斫骨光弁至州

斫骨

虜復姓嬖卑義翻又博計翻

光弁不禮於思好思好怒遂反云欲入

除君側之惡進軍至陽曲

五代志太原郡汾陽縣舊曰陽曲

自號大丞

相武衛將軍趙海在晉陽倉猝不暇奏矯詔發兵拒之

帝聞變使尚書令唐邕等馳之晉陽

之往也

辛丑帝勒兵

繼進未至思好軍敗投水死其麾下二千人劉桃枝圍

之且殺且招終不降以至於盡先是有人告思好謀反

降戶江翻  
先惡薦翻

韓長鸞女適思好子奏言是人誣告貴臣不

殺無以息後乃斬之思好既誅告者弟伏闕下求贈官

長鸞不為通

通鑑言齊嬖倖壅蔽之禍為于偽翻

丁未齊王還鄴甲寅以

以唐邕為錄尚書事 乙卯周主如雲陽宮 丙辰周

大赦 庚申周叱奴太后有疾

叱奴虜復姓

三月辛酉周主

還長安癸酉太后殂帝居倚廬

陸德明曰廬倚東牆而為之故曰倚廬 考異

曰隋書張衡傳云武帝居憂與左右出獵衡露髮與觀切諫案帝居喪有禮疑衡自叙之妄 朝夕進

一溢米

鄭玄曰二十兩為溢於粟米之法一溢為米一升二十四分升之一溢音逸

羣臣表

請累旬乃止命太子摠釐庶政

釐治也

衛王直諧齊王憲

於帝曰憲飲酒食肉無異平日帝曰吾與齊王異生

異生

謂異母也 俱非正嫡特以吾故同袒括髮

袒者肉袒括者結也杜預曰以麻約



髮

汝當愧之何論得失汝親太后之子特承慈愛但當

自勉無論他人

夏四月乙卯齊遣侍中薛孤康買帛

於周

薛孤康復姓

且會葬初齊世祖為胡后造珠裙袴

為于偽翻

下同所費不可勝計

勝音升

為火所焚至是齊主復為穆后

營之

復扶又翻

使商胡齋錦綵三萬與帛使偕往市珠

使疏吏翻

周人不與齊主竟自造之及穆后愛衰其侍婢馮小憐

大幸拜為淑妃與齊主坐則同席出則並馬誓同生死

五月庚申周葬文宣皇后於永固陵周主跣行至陵

所辛酉詔曰三年之喪達於天子但軍國務重須自聽

朝衰麻之節苦廬之禮率遵前典

喪服小記斬衰括髮以麻寢苦居廬朝直

遙翻衰七回  
翻苦息廉翻

以申罔極

詩父兮生我母兮鞠我  
欲報之德昊天罔極

百僚宜

依遺令既葬而除

除服也

公卿固請依權制帝不許卒申

三年之制

卒子恤翻

五服之內亦令依禮

五服者斬衰三年服齊衰期年服大

功九月服小功五月服總麻三月服

庚午齊大赦

齊人恐陳師渡淮

使皮景和屯西兗州以備之

西兗州治定陶

丙子周禁佛道

二教經像悉毀

經謂二教之書  
像謂佛像天尊

罷沙門道士並令還俗

并禁諸淫祀非祀典所載者盡除之 六月壬辰周弘

正卒

卒子恤翻

壬子周更鑄五行大布錢一當十與布泉

並行

行布泉見一百六十八卷世祖天嘉元年更工衡翻

戊午周立通道觀以

壹聖賢之教

觀古玩翻

秋七月庚申周主如雲陽以右宮

正尉遲運兼司武

左傳宋平公曰司武而桎於朝杜預注司武司馬周建大官已有大司馬

司武蓋其屬也尉紆勿翻

與薛公長孫覽輔太子守長安

長知兩翻

初帝

取衛王直第為東宮

建德元年立太子始建東宮

使直自擇所居直

歷觀府署無如意者末取廢陟岵寺欲居之

陟岵寺取望母為名

直意欲以同  
母感動周主

齊王憲謂直曰弟子孫多此無乃褊小此

里翻褊  
補辨翻

直曰一身尚不自容何論子孫直嘗從帝校獵

而亂行帝對衆撻之直積怨憤因帝在外遂作亂乙酉

帥其黨襲肅章門

肅章宮門名唐長安太極宮太極殿後兩儀殿前中為朱明門東則度化

門西則肅章門蓋周遺制帥讀曰率

長孫覽懼奔詣帝所尉遲運偶在門

中直兵奄至手自闔門直黨與運爭門斫傷運指僅而

得閉直不得入縱火焚門運恐火盡直黨得進取宮中

材木及牀榻以益火膏油灌之火轉熾久之直不得進

乃退運帥留守兵因其退而擊之

帥讀曰率下同

直大敗帥百

餘騎奔荊州

欲就梁騎奇寄翻

戊子帝還長安八月辛卯擒直

廢為庶人囚於別宮尋殺之以尉遲運為大將軍賜賚

甚厚丙申周主復如雲陽

復扶又翻

癸丑齊主如晉陽甲辰

齊以高勣為尚書右僕射

勣音邁

九月庚申周主如同

州冬十月丙申周遣御正弘農楊尚希禮部盧愷來

聘

武成元年增御正四人位上大夫保定四年又改禮部為司宗大司禮為禮部杜佑曰周制禮部中大夫

屬春

愷柔之子也

盧柔仕魏為中書監

甲寅周主如蒲州丙辰

如同州十一月甲戌還長安 十二月戊戌以吏部尚

書王瑒為右僕射度支尚書孔奐為吏部尚書瑒冲之

子也

瑒雉杏翻又音暢度徒洛翻

時新復淮泗攻戰降附功賞紛紜

攻戰叙其功降附叙其賞降戶江翻

奐識鑒精敏不受請託事無凝滯人

皆悅服湘州刺史始興王叔陵屢諷有司求為三公奐

曰袞章之職本以德舉

三公一命袞命服身之章也

未必皇枝因以

白帝帝曰始興那忽望公且朕兒為公須在鄱陽王後

言世祖之子當先為公

奐曰臣之所見亦如聖旨 齊定州刺史

南陽王綽喜為殘虐

此定州治中  
山喜許既翻

嘗出行見婦人抱兒

奪以飼狗婦人號哭

飼祥吏翻  
號戶高翻

綽怒以兒血塗婦人縱

狗使食之常云我學文宣伯之為人齊主聞之鎖詣行

在至而宥之問在州何事最樂

樂音洛  
下同

對曰多聚蠍於

器置狙其中觀之極樂帝即命夜索蠍一斗比曉得三

二升置浴斛使人裸臥斛中號叫宛轉帝與綽臨觀喜

噓不已

蠍許竭翻螫人蟲渡淮以北即有之通俗文長  
尾曰蠍短尾曰蠍索山客翻比必寐翻及也俗

斛浴器也裸即果翻赤體也號  
戶刀翻噓其虐翻噓噓笑不止

因讓綽曰如此樂事何

不馳驛奏聞

樂音洛

由是有寵拜大將軍朝夕同戲韓長

鸞疾之是歲出為齊州刺史將發使人誣告其反奏云

此犯國法不可赦帝不忍明誅使寵胡何猥薩與之手

搏搯而殺之

薩桑割翻  
搯於草翻

資治通鑑卷一百七十一